

東  
華  
續  
錄

東華錄

光緒二十九年

臣朱壽朋敬編

臣  
楊  
鼎  
恭  
校

光緒二十三年丁酉春正月辛卯丑刻 上詣 奉先殿行禮 刻期 武庫 辰刻 慈寧宮行

禮御中和殿受禮太和殿受賀已刻訖  
大高殿  
壽康殿行禮○興辦各省郵政○壬辰  
上諭

慈福端佑康頤昭豫莊誠壽恭欽獻崇熙皇太后前請安○癸巳上請 荷皇殿行禮○諭朕欽奉

慈福端佑康頤昭豫莊誠靜恭欽獻崇熙皇太后懿旨多羅貝勒溥偉著加恩在內廷行走○甲午

慈順端佑康頤昭豫莊誠壽恭欽獻崇熙皇太后前詔安○諭朕欽奉

壽恭欽獻崇熙皇太后懿旨郡王銜多羅貝勒載瀼之子溥儒著加恩賞給頭品頂戴○乙未上詣

慈福端佑康頤昭豫莊誠壽恭欽獻崇熙皇太后前請安○訥欽電致總理各國事務衙門稱瞻事涉

始甚危現經圖維不致另行滋衅量給撫卹似覺兩全切不可自我發端以貽口實謹請代奏奏入

諭軍機大臣等訥欽電奏語涉游移現在違賴情形若何有無引咎之詞番兵曾否撤退三廳收回有流

弊舌賞銀已宣示否該大臣身處臧中務當得其要領與鹿傳霖等切實面商妥辦毋託空言○戊戌子

故記名提督甘肅新邕巴里坤鎮總兵年常阿巴圖魯懷玉照提督立功後在營病故例從優議卹附祀故提督金運昌新邕省城專祠○己亥時享 太廟 上親詣行禮○辛丑所敷於 上帝○甲辰上詣 奉先殿 壽皇殿行禮○乙巳 上詣 大高殿 壽皇殿行禮○癸丑諭軍機大臣等長萃等奏附近 陵寢儀行等樹株搜捕完竣並接辦情形一摺覽奏均悉所有儀行各樹株雖經次第搜捕惟樹身皮內根下及草腳石罅伏蟲甚多而應逐層搜拿以期盡絕餘孽仍著長萃等體察情形認真設法辦理毋稍鬆勁將此諭令知之○諭前據御史彭述奏參貴州巡撫湯崑需案供應各節當經諭令崑需黃槐森確查具奏茲據查明奏稱湯崑需並無需案供應諒災不報等情惟二十一年間貴州地方秋收歉薄前藩司唐樹森並不據稟查勘嵩崑亦未嚴行催司起查詳奏巡撫被災極重不將直隸撥賑銀兩全數給發賑濟又縱令門丁和齡與縣丞梁秉鈞往來交結致滋物議殊屬疏於覺察嵩崑著交部議處前貴州藩司唐樹森年老昏愊不恤民艱雖經病故仍著革職巡撫劉保厚以罔上司玩視民瘼縣丞梁秉鈞結交門丁不知自愛均著卽行革職以肅吏治○甲寅中英續議緬甸條約成其文曰 大清國大英國國家爲續議附款事今因英國不再索問中國於光緒二十一年五月二十八日與法國訂立條約所讓江洪界內之地致與二十年正月二十四日與英國訂立之中緬條約相違彼此和商於原訂條約

或增或改擬立附款如左 第一款 今議定兩國邊界自北緯二十五度三十五分起由格林尼址東經九十八度十四分即北京西經十八度十六分之尖高山起隨山脊而行向西南至瓦崙山尖由此接至薩伯坪自薩伯坪起其綫順分水山向西而行稍向南過式脫崙坪到納門格坪其綫由此分西衣岡木碗兩處而畫直至大巴江然須俟就近查考後再定自大巴江至南太白江自南太白江至巴克乃江自此順巴克乃江到該江源頭大耶坪相近處由此順大耶坪嶺至希辣希岡自希辣希岡自希辣希江綫順西南而行至列塞江順列塞江至穆雷江分克同村及列塞村於兩處綫自中畫自此順穆雷江至該江與既陽江相會處再順既陽江至愛路坪順南奔江至太平江 第二款 自太平江及南奔江相會處此綫順太平江到瓦蘭嶺相近處由此順瓦蘭嶺及瓦蘭江至南碗河順南碗河至該河與瑞麗江相會處南碗河之南那木喀相近有三角地一段西瀕南莫江之支河及蠻秀嶺之壘周尖高山從此尖高山嶺嶺東北至瑞麗江此段地英國認爲中國之地惟是地乃中國承租與英國管轄其地之權咸歸英國中國不用過問其每年租價若干嗣後再議 第三款 自南碗河瑞麗江相會處綫順今之新威部落北界至薩爾溫江將瑞麗江合流之處及萬定孟戈孟戛等處將及全地劃歸中國自瑞麗江於南算相近轉北之處綫順南洋江上行至該江源頭孟哥山約在北緯二十四度七分東經九十八度十五分自此順畫

樹山嶺至潞江與南邁江相會處由此順潞江上行直到科干西北界順接利干東界直抵工隆界上將工隆全地劃歸英國由此循英國所屬之鎮泰與中國所屬之孟定分界處之江而行仍隨此兩地土人所熟識之界綫至界綫離此江登山處以薩爾溫江及湄江之支江水分流處爲界綫約自格林尼址東經九十九度北京西經十七度三十分北緯二十三度二十分約至格林尼址東經九十九度四十分北京西經十六度五十分北緯二十三度將耿馬猛猛角歸中國在格林尼址東經九十九度四十分北京西經十六度五十分北緯二十三度處邊界綫卽上一高山嶺此山名公明山循山嶺向南而行約至格林尼址東經九十九度三十分北京西經十七度北緯二十二度三十分以鎮邊爲地方歸中國然後其綫山山之西斜坡而下至南卡江卽順南卡江而行約過緯度十分之路以孟連歸中國孟畚歸英國然後循孟連與康東之界綫此界綫亦皆土人所熟識由南卡江分州至北緯二十二度稍北處卽離開南卡江向東略南循山脊而行至南疊江約在北緯二十一度四十五分格林尼址東經一百度北京西經十六度三十分由此循康東及江洪之界綫此界綫大半係順南疊江而行惟除屬江洪一小帶之地係在南疊江之西北緯二十一度四十五分稍南界綫行至江場邊界後約在北緯二十一度二十七分格林尼址東經一百度十二分北京西經十六度十八分卽循江場與江洪之界綫至湄江 第四款

樹山嶺至潞江與南邁江相會處由此順潞江上行直到科干西北界順接科干東界直抵工隆界上將工隆全地劃歸英國由此循英國所屬之鎖麥與中國所屬之孟定分界處之江而行仍隨此兩地土人所熟識之界綫至界綫離此江登山處以薩爾溫江及湄江之支江水分流處爲界綫約自格林尼址東經九十九度北京西經十七度三十分北緯二十三度二十分約至格林尼址東經九十九度四十分北京西經十六度五十分北緯二十三度將耿馬猛猛角歸中國在格林尼址東經九十九度四十分北京西經十六度五十分北緯二十三度處邊界綫卽上一高山嶺此山名公明山循山嶺向南而行約至格林尼址東經九十九度三十分北京西經十七度北緯二十二度三十分以鎖麥地方歸中國然後其綫山之西斜坡而下至南卡江卽順南卡江而行約過緯度十分之路以孟連歸中國孟連與英國然後循孟連與康東之界綫此界綫亦皆土人所熟識由南卡江分開至北緯二十二度稍北處卽離開南卡江向東略南循山脊而行至南疊江約在北緯二十一度四十五分格林尼址東經一百度北京西經十六度三十分由此循康東及江洪之界綫此界綫大半係順南疊江而行惟除屬江洪一小帶之地係在南疊江之西北緯二十一度四十五分稍南界綫行至江場邊界後約在北緯二十一度二十七分格林尼址東經一百度十二分北京西經十六度十八分卽循江場與江洪之界綫至湄江 第四款

與原約無所增改 第五款 今彼此言明日後中國未經先與英國議定不能將現在仍歸中國在  
湘江左岸之江洪土地以及孟連與所有在湘江右岸之江洪土地或全地或片土讓與他國 第六款  
今彼此議定將原約第六條擬改如左現在所定邊界各綫應由兩國所派勘界官比較劃定以免地  
方官民爭論如查得無論何處有未甚妥協者應行更正兩國勘界官應於此附款畫押後十二箇月之  
內在兩國屆時所定之地相會勘界官自首次相會之日起應限定不出三年之外將兩國界綫一律勘  
定如確守附款所定界綫必有騎綫之鄉村部落地段勘界官員可量為遷改互易倘勘界官有不能商  
妥之處應速將未妥情形各報明本國國家核辦 第七款 與原約無所增改 第八款 與原約無  
所增改 第九款 凡貨由緬甸入中國或由中國赴緬甸過邊界之處按照原約准其由蠻允薩西兩  
路行走茲彼此言定如將來兩國勘界官員查明另闢他路與舊路有益所有查明之路皆准照原約所  
載一律開通行走 第十款 與原約無所增改 第十一款 與原約無所增改 第十二款 一英  
國欲令兩國邊界商務興旺並使雲南及約內中國新得各地之礦務一律興旺皆允中國運貨及運礦  
產之船隻由中國來或往中國去任意在厄勒瓦諦江行走英國待中國之船如稅鈔及一切事例均與  
待英國船一律中國答允將來在雲南修建鐵路與貿易有無裨益如果修建即允與緬甸鐵路相接

第十三款 按照原約中國可派領事官一員駐紮緬甸仰光英國可派領事官一員駐紮蠻允中國領事官在緬甸英國領事官在中國彼此各享權利與相待最優之國領事官所享權利相同如將來中緬商務興旺兩國尚須添設領事官應由兩國互相商准派設其領事官駐紮滇緬之地須視貿易為定今旨明准將駐紮蠻允之領事官改駐或騰越或順寧府一任英國之便擇定一處並准在思茅設立英國領事官駐紮所有英國人民及英國所保護之人民准在以上各處居住貿易與在中國通商各口無異英國領事官在以上各處駐劄與中國官員會晤文移及往來酬應亦與通商各口領事官無異 第十四款 原約內載華民欲赴緬甸可向華官請英國駐劄蠻允之領事官給發護照云云今既旨明將駐劄蠻允之領事官改駐在騰越或順寧自應將此條內駐劄蠻允之領事官字樣改為駐劄或騰越或順寧領事官 第十五款 與原約無所增改 第十六款 與原約無所增改 第十七款 與原約無所增改 第十八款 與原約無所增改 第十九款 通商章程如未能議妥如何修改則仍應遵守原約所載之章 附件 光緒二十一年十二月初六日經總理衙門照會大英署理欽差大臣以光緒二十一年十一月十五日本衙門具奏西江口岸通商一摺奉 旨知道了欽此相應恭錄 諭旨照會查照等因今彼此言明將廣西梧州府廣東三水縣城江根城開為通商口岸作為領事官駐劄處所輪



船由香港至三水梧州由廣州至三水梧州往來由海關各酌定一路先期示知並將江門甘竹濠肇慶府及德慶州城外四處同日開為停泊上下客商貨物之口按照長江停泊口岸章程一律辦理 現在擬定以上所定中綱條約附款及專條各節應於畫押後四箇月之內開辦施行其 批准文據應在中國京城連行互換為此兩國大臣將此附款專條畫押蓋印以昭信守 此附款專條在中國京城繕立漢文三分英文三分共六分○乙卯 上御文 薩威美國使臣田貝法國使臣施阿蘭英國使臣寶納樂德國使臣海靖和國使臣克羅伯比國使臣費萬俄國使臣巴布羅福義國署使臣威達雷日本國署使臣內田康哉日國署使臣經理威奧國署使臣羅士恆覲見○諭三載考績為國家激揚大典中外滿漢諸臣有能恪供職守勞勩最著者尤宜特加甄敘以示優容茲當京察屆期吏部即單題請朕詳加披閱恭親王勲勞懋著夙矢公忠首佐樞廷贊襄匡弼靖共夙夜夾輔深資著交宗人府從優議敘禮親王世鐸協辦大學士吏部尚書李鴻藻戶部尚書翁同龢工部尚書剛毅都察院左都御史錢應溥夙夜從公和衷共濟盡心籌畫慎勤均著交該衙門議敘大學士李鴻章久資倚任勞瘁不辭著交部議敘直隸總督王文韶宣勸畿輔籌辦精詳著開復降三級留任處分兩江總督劉坤一老成練達重任克膺著交部議敘餘著照舊供職○丁巳子故廣東水師提督曹克忠照軍營立功後積勞病故例從優議卹戰

功事蹟交國史館立傳准於天津原籍及立功省分建祠

二月辛酉諭本年輪應查閱福建浙江廣東廣西四省營伍之期福建卽派邊寶泉浙江卽派廖壽豐廣東卽派譚鍾麟廣西卽派史念祖認真查閱各省營伍關緊要國家養兵歲糜鉅帑原以備禦侮折衝之用近來各省督撫循例校閱往往視為具文以致武備日形廢弛殊屬有口無任茲特再行申諭各該督撫務當逐一箇校如有技藝荒疏老弱充數及軍實不齊等弊卽將該營將弁據實糾參毋得稍涉瞻徇○壬戌貴州巡撫崑崙革職○甲子以王毓藻爲貴州巡撫○以裕長爲四川布政使○乙丑諭軍機大臣等理藩院奏青海年班來京之王貝子等呈稱回逆擄掠被旱災請賞給賑銀據情代奏一摺青海地廣人稀究實情形如何能否酌給賑款著奎順派員查明速奏原摺著鈔給閱看將此諭令知之○丁卯祭先師孔子廟遣熙敬行禮○以松安爲馬蘭鎮總兵兼總管內務府大臣○諭軍機大臣等有人奏大凌河馬羣向歸副都統管轄歸州協領文楷署副都統時信任門丁營私舞弊餞養官馬草豆委主事英華等合謀包折請協領亦有勒索情事請飭查辦等語著依克唐阿按照所參各節確切查明據實具奏毋稍徇隱原片著鈔給閱看將此諭令知之○諭御史彭述奏新班過缺先知縣請加足十成收捐等語著該部議奏○戊辰祭社稷壇上親詣行禮○庚午福建按察使張付敬以病免以

李興銳爲福建按察使○諭李秉衡奏凌水災漲歷城等處民搶衝塌成口現籌堵築情形請將在事各員暫緩參處並自請辭處一摺本年正月二十二日山東歷城章邱地方因冰凌擁塞水勢陡漲以致民搶被決小沙灘口門寬至二十餘丈胡家岸口門寬至四十餘丈水由郁宗塞經齊東等縣入海此次民搶衝塌實因冰厚水猛去路擁擠人力難施總辦道員將兆奎提調知府吳煜營官都司劉振興均著照所請暫緩參處卽著該撫督飭各該員限一月內迅速堵合完竣毋得遲誤干咎李秉衡著交部議處○諭御史朱伯魯奏奉旨交議事件請飭各部院毋得輕心駁斥等語向來臣下條陳事件奉旨交該管各部院議奏自應準情度理斟酌盡善固不得偏執成見概行議駁亦豈得不論可否率行議准嗣後遇有交議事件各該衙門務當權衡事理秉公定議至陳奏各員亦不應逞其臆見形諸奏牘是非所在自難逃朝廷洞鑒也○總理各國事務衙門奏爲衙門於光緒七年十二月十二日奏定寶星章程奉 旨依議歷屆欽遵辦理嗣於二十二年三月二十一日復奏請將頭等第二第三寶星頒給限制立案聲明奉 硃批依議欽此近日邦交益密往來贈答事類繁多上而列國君主之屬旋下及貴戚臣工之頒賜典儀所在義實精詳寶星取象列星外國製造多爲光芒四射之形以顯昭明而彰華貴中國舊式形方且重與內地功牌相近外人往往以爲艱於佩用似無以達彼嚮風拜寵之忱臣李鴻章奉使歐洲於請

旨頒給洋員寶星案內曾將應行釐定情形附片陳明在案現臣等公同商議嗣後寶星式樣應請量與變通參酌歐洲各大國通行式樣加以星芒改製精工鑄造藉示 恩榮其名目藻飾繁刻一切均照絢章其鑄造擬選蘇津滬良工範以銀模俾臻精美其大小佩帶均無庸加鑲龍形似此斟酌變通其於樽俎雍容頗為宜稱亦慎固邦交之一道謹將新擬寶星式樣繪圖恭呈 御覽如蒙 俞允即由 軍機處遵照改造照會各國使臣暨知照南北洋大臣各省督撫出使大臣一體遵照辦理得 旨依議欽此

改定寶星章程 頭等第一專贈各國之君主式樣應用赤金地法緣龍起金鱗上嵌大珍珠一顆開龍內中心嵌小珍珠一顆沿邊用小珍珠鑲嵌一圍赤金星芒佩帶副寶星亦用緣龍起金鱗中嵌珍珠一顆外鑲小珍珠一圍金紅色帶頭等第二專贈各國世子並近支親王等式樣應用赤金地法緣龍起金鱗上嵌光面小紅珊瑚中嵌光面大珊瑚珊瑚之外鑲小珍珠一圍赤金星芒佩帶副寶星亦用緣龍起金鱗中嵌光紅珊瑚上嵌小紅珊瑚大紅色帶頭等第三專給各國世爵宰相部院大臣頭等公使式樣應用赤金地法緣龍起金鱗上嵌光面小紅珊瑚中嵌光面大珊瑚雪頭內各鑲小珍珠共八顆赤金星芒佩帶副寶星亦用緣龍起金鱗中嵌光紅珊瑚上嵌小紅珊瑚大紅色帶頭等第三以下均有 御賜字樣二等第一專給各國二等公使式樣應用金地起鱗金龍上嵌小珊瑚中嵌起花大珊瑚銀星芒佩

帶副寶星亦用金地金龍中嵌起花珊瑚上嵌小紅珊瑚紫色帶二等第二給各國三等公使署理公使  
總稅務司等式樣應用金地金光龍上嵌小珊瑚中嵌起花大珊瑚銀星芒佩帶副寶星亦用金地金光  
龍中嵌起花珊瑚上嵌小紅珊瑚紫色帶二等第三給各國頭等參贊武職大員總領事官總教習等式  
樣應用金地起鱗銀龍上嵌小珊瑚中嵌起花大珊瑚銀星芒佩帶副寶星亦用金地起鱗銀龍中嵌起  
花珊瑚上嵌小珊瑚紫色帶三等第一給各國二三等參贊領事官正使隨員水師頭等管駕官陸路副  
將教習等式樣應用法線地金光龍中嵌藍寶石上嵌小紅珊瑚自三等以下均無佩帶三等第二給各  
國副領事官水師二等管駕官陸路參將等式樣應用法線地起鱗銀龍中嵌藍寶石上嵌小紅珊瑚三  
等第三給各國編譯官游擊都司等式樣應用法線地銀光龍中嵌藍寶石上嵌小紅珊瑚四等給各國  
弁兵等式樣應用法藍地銀光龍中嵌青金石上嵌小紅珊瑚五等給各國工商人等式樣應用銀地綠  
光龍中嵌碑礪上嵌小紅珊瑚○乙亥命張蔭桓赴英國賀女皇卽位六十年慶典○御史徐道焜奏各  
海關附設郵政局所籌章程就中帶信之罰太嚴寄報之費太重流弊頗多請 飭總理各國事務衙門  
議定通行得 旨該衙門議奏○丁丑以徐用儀兼署戶部左侍郎○己卯命崇禮許應駿任總理各國  
事務衙門行走○庚辰壽隨奏前經奴才具奏開辦熱河礦務情形摺內聲明據委員候補知縣繆桂榮

勘得建昌縣屬之各里各並與撫寧連界之雙山子陽縣屬之五家子等處金礦均可開採當經奴才飭委熱河道滿多布等督同該委員請資興工認真採辦去後嗣據該委員等稟覆建昌縣屬之五家子兩處雖有礦苗透露或隱或現尚未追獲正槽惟與撫寧連界之雙山子一處頗有起色但該處一切做法稍有未合之處奴才現擬飭派熱河道滿多布前往查勘就便酌度情形妥定章程認真採辦以收實效而利銅源報聞○壬午以延會爲熱河都統○諭御史王廷相奏請飭整頓宗室覺羅官學一摺著宗人府會同督學大臣妥議具奏○癸未雪○以 慈禧端佑康頤昭豫莊誠壽恭欽獻崇熙皇太后駕幸頤和園 上詣瀛秀園門恭送○總理各國事務衙門奏光緒二十二年十二月十七日軍機處交片本日給事中褚成博奏洋商改造土貨請 飭籌抵制一摺軍機大臣面奉 諭旨該衙門議奏欽此欽遵鈔錄原摺交 衙門查照摺內稱上年與日本定約准在內地改造土貨各國援照條約皆可一律仿行從此華人自有之利權盡歸外人掌握查改造土貨莫大於絲紗兩宗絲銷外洋皆由內地運去紗銷內地反自外洋販運如係就內地改造則工價較廉獲利自鉅日本請於蘇杭設埠其注意不外乎此卽西人乘機奮起其肯綮亦不外此若不設法抵制勢必喧賓奪主絕我生機上年署兩江總督張之洞深知縹緲爲縹緲之本紡紗爲縹緲之本因先於蘇州鎮江南通州無錫金匱等處勸諭紳商開設紗廠又擬撥

款專在無錫開設絲廠以冀逐漸推廣總督劉坤一回任後亦以此爲當務之急伏思洋人每爭一利必合上下財力慘澹經營而華商勢渙情撙力分財絀自非官力爲護持壹志齊心痛除向來官商隔膜錮習斷難與彼族爭權應請 旨飭下南北洋大臣各先籌款二三百萬在內地廣設絲紗機廠以爲倡導並 飭下各將軍督撫酌度土宜一體興辦奉天直隸等處又宜添設織造呢羽氈毯之廠其緊要關鍵首重得人應令嚴定章程公舉殷實廉幹商人分任廠務由官認真督查不准絲毫瞻徇並准本省官暨京外大小官紳量力附股每屆年底將章程款目由總廠詳刊送閱如有弊混不論何人皆准赴廠辦詰並許附股之人赴京呈控查實後除經營之人勒賠重處並將督辦之大吏量予處分等語 臣等查絲紗爲土貨大宗欲設廠製造抵制洋商自非官商合力廣籌鉅款不能集事上年閏五月間欽奉 諭旨令多設織布織綢等局廣爲製造即據署兩江督臣張之洞江蘇撫臣趙舒通電稱將恩借商款銀二百二十六萬兩移爲開辦商務局之用先於無錫設絲廠兼開繭行此外各廠擬設於上海或蘇州至織布紡紗機廠約費銀一百萬兩籌款另請各省督撫 臣先後陳奏類能仰稟 聖謨設局招商各就本省物產之宜量籌製造似於向來官商隔膜之弊已漸次消除惟辦理經年究竟籌款若何設廠幾處有無成效迄未奏咨即張之洞趙舒翹擬移恩借商款開辦商務局究竟已否辦成亦無續報該給事中請由

各省將軍督撫酌度土宜集股設廠官助商本逐漸推廣自足裕利源而杜外溢應照行原奏所稱公舉股實廉幹之人分任廠務由地方官認真督查並准官紳量力附股至年底將章程款目詳刊一節前年十二月間臣衙門議覆御史王鵬運設立商務局摺內擬由各商公舉股實穩練之紳商派充局董仿照總稅務司監易總冊式樣年終由督撫咨送臣衙門以備參考業經奏准通行遵照在案此次經紗各廠應仍由各省將軍督撫查照前奏辦理各廠中如有弊混自應將經營之人勒賠重懲第須附有股本始能入廠查詢原奏所稱不論何人皆准赴廠辯詰恐滋紛擾至督轄大吏原當竭力維護嚴剔弊端但祇能握其要領不能瑣屑躬親似難深悉廠中有無弊混若有人舉發而該管大吏不為查理或竟迴護自應如該給事中奏呈予處分以儆玩泄相應請 旨飭下各省將軍督撫各就本省情形切實籌辦毋得徒託空言至南北洋大臣能否各籌二三百萬兩以為倡導應並請 旨飭下王文韶劉坤一迅籌辦理得 旨如所議行○甲申諭軍機大臣等鹿傳霖電奏飢民屯聚與土匪出掠情事判然此案唐舉等藉飢為名糾眾劫殺自應切實嚴究期無枉縱著該督卽飭委大員會審明確照章懲辦至賑撫事宜尤應上緊辦理以靖地方將此諭令知之○丙戌 上幸頤和園詣 慈禧端佑康頤昭豫莊誠壽恭欽獻崇熙皇 崇熙皇太后前請安駐蹕○戊子 上還宮○諭朕欽奉 慈禧端佑康頤昭豫莊誠壽恭欽獻崇熙皇



太后懿旨多羅貝勒河岸著賞戴三眼花翎

三月辛卯 上幸頤和園詣 慈福瑞佑康頤昭豫莊誠壽恭欽獻崇熙皇太后前請安○還宮○壬辰王文韶奏准直隸提督聶士成咨補武毅馬步各營練習西操稍有規模茲擬於三月中旬親督步隊中左右三軍由蘆臺起身循鐵道進東之寧河鹽潤蘆龍昌黎撫寧臨榆等縣東至山海關後循鐵道進西之臨榆昌黎樂亭灤州沿海一帶回蘆沿途嚴加督率整隊徐行過有寬敞隙地卽操練戰守攻取進止包抄埋伏各技藝並演放鎗礮俾遞號令等事夜則按行軍章程擇空曠之地駐紮營壘又架帳房並教練巡營哨探燈號等事統將官弁勇丁均住帳房不准投宿村店擅入民房青苗在地亦不准稍有損壞如有不遵約束干犯營規者卽按軍法從事俾各營弁勇咸知臨敵機宜及行軍紮營偵探諸法一旦有事庶不致茫無把握並擬於秋間隨帶武毅前後兩軍並馬隊一軍出防操練如此一年兩操歲以爲常亦可藉勸勤勞而生勇敢之氣惟值承平之時大軍出境恐駭聽聞咨請代奏請 旨等情前來臣查該提督所請係爲整飭營伍練習行軍起見自應照准辦理下部知之○癸巳諭軍機大臣等戶部奏充兵耗財過鉅亟宜大加裁汰一摺近因庫款支絀各省亦籌解維艱經戶部先後奏請裁汰綠營七成勇營三成疊經降旨諭令遵行上年十一月初二日復通諭各直省將軍督撫不論綠營勇營均應大加裁汰

是裁減兵勇一事事權所迫勢在必行茲據戶部奏稱自行知各省以來惟山東一省經該撫李秉衡奏明將制兵分限五年裁減五成並將防營練勇分別裁減此外各省或請將兵額酌裁尙無成數或僅裁綠營二三成所裁營勇更屬寥寥無幾似此敷衍塞責有名無實何濟於事現在綜計各省兵勇尙有八十萬餘人歲需餉銀約共三千餘萬兩綠營積欠久成虛設當茲借款期迫中外諸臣自應合力通籌先其所急若徇復飾詞搪塞坐擁多營值此需款緊急之時棄有用之餉養無用之兵以致借無可借抵無可抵民生日感凶計亦因之愈窮在公忠體國之大臣當不出此各直省將軍督撫奉到此旨統限一箇月內將裁減兵勇若干節省餉銀若干條分縷析切實覆奏所留兵勇務當精選訓練鎮撫地方至所裁兵勇應酌給遣餉銀米之處並著該將軍督撫等體察情形奏明辦理原摺著鈔給閱看除直隸南洋河南浙江現在各軍另行諭令切實裁汰外將此由四百里通諭各直省將軍督撫知之○甲午諭軍機大臣等有人奏廣東盜賊充斥由於地方官縱盜殃民請飭查辦一摺據稱廣東南海等縣劫刦重案層見迭出署南海縣知縣黃恩三水縣知縣林兆鏞花縣知縣祝掄望均有縱盜殃民確據長寧附近地方土匪時復蠢動等語盜賊刦案全在地方官認真緝捕方能消弭隱患若如所奏情形該省捕務廢弛已可概見著譚鍾麟許振祿按照所參各節確切查明據實奏並通飭所屬地方文武認真緝捕倘敢仍前

廢弛立即從嚴參辦毋稍寬縱另片奏督標親軍參將張鍾拘人治罪幾至激變南海縣知縣李徵庸於  
恩署揭陽等縣任內縱令其子李準出外招搖該令並有故出犯人得賄巨萬情事已革知縣潘泰謙在  
省逗遛鑽營並推薦家丁於新任南海縣知縣署內通信圖利等語著該督撫查明參奏毋得徇私至潘  
泰謙既係革職人員自不應逗遛在省著即驅逐回籍原摺片均著鈔給閱看將此諭令知之○乙未諭  
兵部會同宗人府吏部奏遵議處分一摺守護 東陵鎮國公溥齡輔國公麟嘉著革去職任並罰木銀  
半俸四年毋庸查核議抵馬蘭鎮總兵兼總管內務府大臣文瑞著即行革職○丙申 上幸頤和園詣  
慈福端佑康頤昭豫莊誠壽恭欽獻崇熙皇太后前請安駐蹕○諭軍機大臣等御史張仲忻奏湖北  
災區甚廣請寬撥銀米飭地方官切實辦理一摺據稱湖北鄖陽宜昌施南各屬上年因旱潦迭乘顆粒  
無收被災情形極為慘苦地方官相率諱匿截漕之旨已下而辦賑尙無明文附近荆門所屬之當陽縣  
飢民已藉故滋事宜昌川東一帶亦均瀕飢現在三府被災丁口約在百萬以外僅恃官辦紳助既難周  
徧亦恐遲延等語湖北上年災情極重迭經降旨截漕散放並據該督撫奏稱業已分別籌款賑恤若如  
所奏情形是該地方官於災賑一事並未切實辦理著張之洞查明各屬災區究竟應否寬撥銀米賑濟  
之處酌量情形嚴飭地方官認真辦理以拯災黎○丁酉總理各國事務衙門奏光緒二十三年正月二

十八日准軍機處鈔交司業黃思永片稱自有加收洋稅值百抽十之議商情瓦解上海華商有將自立紡紗織絲等廠售與洋人免虧血本者紗絲若此餘可類推近年仿用機器改造土貨原欲以華敵洋收回利權華商虧折太甚必紛紛閉歇低昂物價之權盡歸洋商等語奉 諭旨著該衙門議奏欽此等查光緒二十二年五月二十一日 臣衙門奏請酌定機器製造貨物稅章一摺原因允准洋商製造土貨之後不能爲中國土貨隨地徵收稅釐若不加重離廠稅課則洋商改造土貨存本既輕獲利必厚中國土貨必致滯銷是值百抽十之議原所以抑洋商之利恤保華商之生計嗣於光緒二十三年正月內准浙江巡撫廖壽豐電稱製造徵稅新章係爲洋商預立專案但華商資本支絀風氣尙未大開若驟增稅項商務恐難振興擬請暫緩開辦以紓商力俟洋商加稅時然後一體徵稅等因 臣以此項章程原爲抵制馬關約准日本製造起見續與日本使臣林董定議任聽中國徵稅卻不能較華商有所增益是日本從前不允納正稅之說業經爭回此項徵收華商章程暫可緩辦當經電復浙江巡撫并電南洋大臣暨扎總稅司在案茲據該司業奏請從長計議 臣等詳加商酌自應仍照 臣衙門電覆浙江巡撫緩徵原案辦理操縱可以自如統俟洋商有開辦機器廠時華洋一體徵稅以免洋商藉口得 旨如所議行○戊戌上還宮○己亥諭山東道御史秀林等奏北城坊汛捕務廢弛據實嚴參一摺據稱北城地面拍劫

之案層見迭出該地面弁勇等並無一獲難保無案賊情事等語北城地面捕務廢弛已極該坊汛所司何事殊堪痛恨北城吏目孫起榮著卽行革職西珠汛都司王連捷應得處分著步軍統領衙門查明嚴參以示懲儆○許景澄奏光緒二十二年十二月十八日承准總理各國事務衙門十七日電開本日奉旨著派許景澄總辦黑龍江吉林交界鐵路公司事宜欽此臣於本年四月間奉旨商辦公司合同幸臻成議茲據華俄銀行具報公司章程已定擬在明春公選員董前往該處勘路興工復荷恩綸猥加委任查該公司承造鐵路係由黑龍江省西境入界至吉林省東境出界經營既爲創舉地段尤覺袤長勘地之初首在清釐程途以明限制開築以後則在輯和交涉以期相安如臣庸愚懶驢勝任惟有主持事體聯絡商情查照合同訂定各條隨時呈商總理各國事務衙門王大臣妥慎辦理以冀仰副聖主綏邊睦鄰之至意報聞○辛丑 上幸頤和園詣 慈禧端佑康頤昭豫莊誠壽恭欽獻崇熙皇太后前請安○還宮○諭御史宋伯魯奏請添扣各項減平以裕利源一摺著戶部議奏○壬寅兩○癸卯上幸頤和園詣 慈禧端佑康頤昭豫莊誠壽恭欽獻崇熙皇太后前請安駐蹕○張之洞奏光緒二十二年五月總理各國事務衙門具奏機器製造貨物酌定稅則奉旨允准續據總稅務司酌擬章程九條經總署核定由南北洋大臣通行各國在案伏查光緒八年北洋大臣奏准上海織布局只完正稅一

道概免沿途稅釐此後各省機器紡織皆援此例此 聖主愛養民生之深仁而卽古來興國者通商惠  
工以致富強之至計 天地覆庇感頌同聲從此中華商務駸駸漸有生機矣此次加稅之舉在總署原  
意謂洋商得在中國設廠造貨人工運費稍省便利益甚優故議酌加稅則洋商既加則凡華商用機  
器造貨亦應一律照加以免洋商藉口此總署謀國裕課統籌中外之深心臣雖至愚亦能領解特是詳  
察商情知機造各貨加稅一層不免有損多益少之病有不敢不爲我 皇上陳之者溯自馬關定約以  
後臣在署南洋通商大臣任內欽奉閏五月十三日 電旨飭令招商多設織布緞綢等局廣爲製造臣  
當卽宣布 德意廣爲勸諭招徠中國商民知外人得來內地設廠造貨莫不感慨奮發思有以防內竄  
外漏之患而又深悉 朝廷恤商輕稅之章其請集股開先著者頗不乏人凡各處稟請開器造貨者臣  
多從允准且爲之籌備廠地歸併釐稅計畫銷路曲意維持江南湖北紗絲各廠更屢奏明助給官本鉅  
款之舉總冀厚集商力以挽此外溢之利源數年以來江浙湖北等省陸續添設紡紗繅絲烘繅各廠約  
三十家此外機造之貨蘇滬江寧等處有購機製造洋酒洋蠟火柴礮米自來火者江西亦有用西法養  
蠶繅絲之請陝西現已集股開設機器紡織局已遣人來鄂考求工作之法四川已購機創設煤油並設  
立洋燭公司山西亦集股興辦煤鐵開辦商務公司至於廣東海邦十年以前卽有土絲洋紙等機器製

造之貨近年新增必更不少天津煙臺更可類推湖北湖南兩省已均有購機造火柴及梓棉油者湖北現已考得機器造塞門德土之法正在督飭稅務司勸諭華商興辦湖南諸紳現已設立寶善公司集有多股籌議各種機器製造工貨之法規模頗盛似此各省氣象日新必且愈推愈廣彼洋商雖亦聲稱集鉅資設大廠而迄今造門者只上海二三家他處未之有也無如華商智慮初開行銷未廣已成之廠獲利無多未成之廠集資非易洋商見我工商競用新法深中其忌百計阻抑勒價停市上年江浙湖北等省繅絲紡紗各廠無不虧折有歇業者有推押與洋商者以後華商有束手之危洋商成獨攬之勢商民延頸舉踵正以寬恤保護之法望之朝廷兩湖風氣初開商力甚薄尤為惴惴此近年來商務之實在情形也且愚以為洋商在內地改造土貨本於華商生計有妨是以商約懸為禁今迫於事勢不得已而允之則又當就已成之局而熟權利弊庶免我華商民有累上加累之虞竊謂今日各洋廠設否聽之而華商機器製造之稅如故洋商開一廠則華工習一法洋商創一貨則華民曉一用大抵華商性情慣於精思創物而樂於摹仿爭利華商用度較儉土產較足可與之相勝果使華商本輕利穩愈開愈多洋商見華廠已經充物利愈愈分愈薄則續開者自少即如湖北織布局一開而江漢關進口之洋布已歲少十餘萬匹可為明徵目前華廠已將十倍於洋廠是機器製造之利洋商得其二華商得其八且就

華洋各廠合計出貨自多稅額雖輕稅數必溢此有益於民生而仍有益於國計者也即使洋廠因稅輕而爭開不已然洋廠所獲之優利亦華廠之所同沾其出貨之數分利之勢自足相敵且洋廠所在其一切物料必取之中國工匠必取之中國轉移間民必資之中國彼洋商所得者商本盈餘之利而其本中之利留存於中國者仍復不少是華商之利雖去其半而中國農工收漁之利仍得其全華民沾其利又曉其工則華商購機製造之廠必不能絕從百未有農工盛而商獨衰者此目前不求有益於國計而必無損於國計且尙不盡有損於民生者也至於華商鼓舞方見萌芽之時遽行加稅則華商困阻於內洋商抑勒於外數年之間已成歇業未開者絕響是九洲之地產物力萬國之巧法厚利盡爲洋商壟斷之資如謂明文則一體加稅暗中則曲予維持目前中華局勢外洋情形竊恐未能辦到且洋商之究竟肯加稅與否亦尙不知何時而華商則已先敝矣即使洋商於華造者邊加而其來自外洋者仍不能加明知華商不能再開機廠則不造於中華而專運之於本國銷流日廣貨價日增徒存內地製造加稅之虛名而受華商阻塞利源之實害此有損於民生而仍無益於國計者也從來華民最樸不曉物宜華工最拙不諳機器華商最散不籌鉅本是以拘守舊法坐棄萬物之菁華不究阜財之大用今幸而鑒於鉅創恍於強鄰一旦幡然捐棄故習爭購機器暢土貨集公司之法正是中誦自振之機若再從



而稅之以後更復何望私愛過計不勝悚懼近日與江蘇巡撫臣趙舒翹浙江巡撫臣廖壽豐往返電商均以暫緩加稅爲保護華商之至計合無仰懇 天恩飭下總理衙門將機器造貨值百抽十之新章暫行緩辦一俟商務大盛而各國又一體允加進口稅之時再行舉辦彼時洋貨價漲華貨即使加稅尙且相抵而目前不能無自立之慮大局幸甚又總稅務司所擬章程第二條凡有製造之貨均須一律存儲關棧俟撥等語在總稅務司之意只爲杜絕偷漏然商民成貨待價而沽瞬息變易有失之須臾而盈虧迥判者又如機器造紙機器碾米機器造水泥火泥此等笨重之物如何搬運如何封存又如機器造煤油機器造火柴此等危險之物同棧之貨孰不畏延累設有損失恐洋關賠不勝賠矣大抵商情樂簡而惡繁喜活便而畏膠滯若一概存儲關棧交貨看貨動須報關即使不至留難而貨主既嫌經官之周折又不如本廠自存之放心種種窒礙必致紛紛歇業至洋商則仍出納自如此明明力窒華商之生機而暗暢洋商之銷路矣竊謂宜在運貨出口時切實查驗不在貨成後概予封藏應請一併 飭稅務司重改章程方爲妥籌此乃農工商民公共之利害中外貧富強弱之樞機臣爲自強大局力固根本起見反覆焦思不敢不言奏入下總理各國事務衙門議奏謹上華商造貨應請仍照從前完一正稅之章辦理得 旨允行○甲辰奎順丁憂解任以聯魁署西賓辦事大臣○諭朕欽奉 慈禧端佑康頤昭豫莊

誠壽恭欽獻崇熙皇太后懿旨據平敬郡王福晉奏稱伊子貝勒載澍性情乖張不遵教訓平日多有觸忤情事本月初九日平敬郡王福晉壽辰該貝勒先期捏病請假 懿旨賞賜壽物並未敬詣跪接本府家庭亦未叩祝實屬膽大藐法孝道有虧若不從嚴懲辦殊乖孝治之意載澍著革去貝勒交宗人府重責八十板於空室永遠圈禁著派宗令禮親王世鐸傳旨遵行其平敬郡王應行承繼之人著該福晉自行擇定請旨辦理○譚鍾麟等奏廣東石城遂溪兩縣有三點曾匪嘯聚滋事等立派署瓊州鎮總兵武萬才等統帶營勇馳往拿辦先後報獲著匪審明正法者一百四十三名首逆劉芝草在逃現嚴飭各營四出兜拿 上諭軍機大臣等匪首劉芝草及著名各匪向多在逃著譚鍾麟嚴飭在事各員認真拿辦以期迅絕根株毋使寇盜充斥會匪名目繁多地方防範稍疏卽虞煽動嗣後該督等務當嚴飭地方文武遇有匪徒竊發卽行迅速捕拿總期消患於未萌勿令潛滋貽長是爲至要將此各諭令知之○丁未 上諭 醇賢親王圖鐸行禮○還頤和園○戊申 上還宮○予故廣西巡撫楊重雅附祀四川成都府駱秉章祠○諭軍機大臣等湖北各屬被災較重本日朕奉 皇太后懿旨特頒內帑銀五萬兩爲賑撫之需深宮軫恤災區無微不至該地方官尤當核實放放務使實惠及民前據張之洞等奏請截留漕米運費並推廣賑捐業經戶部分別議准卽著張之洞督飭所屬認真辦理毋稍遲延○諭朕欽奉

慈禧端佑康頤昭豫莊誠壽恭欽獻崇熙皇太后懿旨四川川東一帶湖北鄭宜施等屬均因上年秋雨  
爲災冬間又復亢旱民情殊形困苦深堪憫惻著於宮中節省內帑項下賞給四川銀十萬兩湖北銀五  
萬兩交鹿傳霖張之洞妥速賑濟以全民命欽此該督等務當仰體 聖慈軫念黎元之至意妥爲分撥  
認真散給務期實惠及民毋得稍有弊混○諭軍機大臣等朕聞四川川東一帶去年秋霖爲災飢民衆  
多時深慮念本日欽奉 皇太后懿旨特頒內帑十萬兩交鹿傳霖爲川省賑撫之用深宮軫恤災區無  
微不至該地方官尤應切實散放務使實惠及民茲據通政使司參議楊宜治等歷陳川省變緩忠三屬  
被災情形著戶部再行籌撥銀十萬兩由鹿傳霖於該省鹽釐各款內先行墊發以期迅速其採買糧米  
一節著咨湖南安徽各巡撫出示招商由輪船運往所過關卡准免抽釐稅以廣招徠至該參議等另片  
所奏川省災祲之後勸辦賑捐民力未逮請於鄰省勸募等語並著鹿傳霖酌量情形咨商辦理原摺片  
均著鈔給閱看將此各諭令知之○己酉 上御文華殿法國使臣施阿蘭謁見○諭步軍統領衙門奏  
拿獲冒稱招集商股議修鐵路人犯請交部審辦一摺已革武舉李福明本係因案擬徒遞籍管束之犯  
今復潛行來京並刊刻章程知單等件到處傳送藉端招搖實屬大干例禁著交刑部嚴行審訊按律懲  
辦○依克唐阿奏據翰林院編修費鐸散館分部呈改知縣繆潤紱等會銜呈稱竊維利國首在富強而

富強以開採爲急務奉天礦產饒裕甲天下如岫巖寬甸懷仁通化一州三縣礦山林立五金並產貴錫等祖居奉天會同礦師詳勘得邊外寬甸縣屬之小荒溝小湯石北弔幌子一帶山勢蟬聯十數餘里鉛苗顯露處面皆是又勘得懷仁縣屬之涼水泉子老營溝礦洞子等處深林陡湖之中銀沙顯露苗恆頗佳夾道子大東溝二處現有銀綫亦頗暢旺又勘得通化縣屬之大小廟兒溝至大小羅圈溝其間數十百里金銀鉛鐵各礦苗頗旺又勘得邊外岫巖州屬之黑島斜長二十餘里橫亙十餘里鉛鐵銅苗漫山遍地木耳山南尖頭一帶砵鐵並生統計各地勢均與禁山相距遙遠或三四百里至八九百里不等實與永陵龍脈無關且係僻壤荒山與民間廬墓田園全無妨礙若得及時興辦不惟有裨奉天一省而軍餉之供度支之裕可以計時而待貴錫等前曾將銀鉛砂石逐細銘鍊每鉛砂百斤出淨鉛十餘斤銀砂千斤傾出足色紋銀十五兩是功效既不難求而需款尙非甚鉅今擬自寬懷所屬之小湯石等八處爲始先辦銀鉛兩項暫依土法開採其餘勘定未開各礦願應俟試辦得手逐漸擴充惟通盤核算將來與山置廠建屋修路砌蓋鑪座購備柴炭延請礦師僱覓夫匠以及薪工膏火各項用費約估本銀須二十萬兩方可集事貴錫等現已招集商本二千股每股百兩共計銀二十萬兩整業經寄存股實鋪戶以備臨時提用請自開工之日起予限半年試辦有效隨時報聞等情並詳擬章程繪具圖說呈請具

奏前來奴才伏查奉天礦務自弛禁開採以來商股零星散布並無提綱挈領之人以致辦理半年迄無成效又以銀鉛各礦工本太鉅集資非易擬爲緩圖奴才於上年九月間奏報試辦金礦期滿未能暢旺情形欽奉 諭旨仍著督飭承辦各員招集股商多籌經費另立妥善辦法務期成效克臻將金銀煤鐵各礦逐漸推廣不得畏難苟安等因當經欽遵行知承辦各員妥議章程至今無進一籌策者想見辦礦不獨集資爲難卽得人亦爲難貴鑒等集資二十萬金呈請試辦銀鉛各礦俟得手後漸事擴充亦是先難後易之意所議章程各條尙覺切實不事鋪張但能經理有人或不至於虛糜工本查貴鑒才長心細堅定有爲前年軍興奉 旨發交奴才軍營差遣會派充幫辦全營翼長代籌布置頗合機宜以之督理礦務斷不至一無展布有初鮮終合無仰懇 天恩准調翰林院編修貴鑒來奉旨辦東邊銀鉛礦務以廣利源惟事關奏調京員且核閱所議辦法尙未詳盡請將遞到章程二十二條繕具清單恭呈 御覽仍請 旨飭下總理各國事務衙門王大臣以昭鄭重得 旨該衙門議奏○王子 上詣 奉先殿壽皇殿行禮○諭李秉衡奏開缺道員張上達請旨嚴懲等語開缺山東濟東太武臨道張上達前充河工總辦惡棍藉賄賂公行屬員求得差委拜認師牛購買格料等項任意剋扣若不予以嚴懲無以挽回積習張上達著卽行革職以示懲儆○癸丑 上幸頤和園詣 慈禧端佑康頤昭豫莊誠壽恭欽

獻崇熙皇太后前請安駐蹕○諭軍機大臣等有人奏參藩司驛貪不職據實糾參一摺據福建藩司黃毓恩驛咨貪詐婪索門包門丁高二高三嚴爲信任稅局局提調平元及善後局支應唐兩時皆與之締結朋比爲奸等語藩司爲通省表率責任極重所奏如果屬實必應從嚴懲儆著邊寶泉按照所參各節確切查明據實具奏毋稍徇隱原摺著鈔給閱看將此諭令知之○乙卯 上幸圓明園省馬儺○還宮○丙辰李鴻章奏臣下條奏原不能盡合機宜若既蒙 聖明採擇俯賜咨詢正宜直言無隱以別是非而決從違庶廷所有都俞必有吁咈也乃近來敷衍綢繆相習成風已非獻替之道甚至煌煌 諭旨竟有擬之不理經年並不覆奏者是豈疏忽而已哉彼其心必以爲我之事他人不得預謀將在外君命有所不受權勢重斯法令輕而隱以便其私圖顯難背乎公議故不爲置議若罔聞知耳夫公事則公智之舉凡交誼之件如其可行固不必矯同立異如不可行亦不妨據實直陳況有則必有咨者理也有倡必有和者情也朋友之間且然而乃於 綸綍之頒視同蔑有不惟 國家之體制無以尊且恐天下利弊無以達也 臣恭查咸豐元年 上諭令各直省督撫將交議事件年終彙奏一次夫分案奏請復令彙奏者昭慎重也 聖謨洋洋理宜恪遵擬請 旨申明飭令各直省督撫一體遵辦並令軍機處將廷寄隨時記載如有日久漏不覆奏者於本年正月開單備問倘敢有意延宕應交部照例議處以儆玩

泄 上諭御史李擢英奏交議事件飭分案奏結並由年終彙奏一摺著各直省督撫格遵定章將交查及飭議事件隨時覆奏並於年終彙奏奏報不准稍有延宕○命呂海寰充出使德國兼荷國欽差大臣○己未子故遇缺題奏提督前任總兵劉明澄照事營立功後病故例議卹戰功事蹟交國史館立傳○是月奧大利亞國新簡駐華使臣齊齊抵任

夏四月庚申朔時享 太廟 上親詣行禮○上幸頤和園詣 慈禧端佑康頤昭豫莊誠壽恭欽獻崇

熙皇太后前詣安駐蹕○辛酉諭宗人府奏員勅諭貝子奕謨請將不入八分輔國公載瀾過繼為嗣載

瀾著准其過繼奕謨為嗣○壬戌 上還宮○諭御史周承光奏各省刑名積弊太深亟宜整頓一摺各

直省問刑衙門遇有命盜案件自宜詳慎審訊從速辦理乃近來地方官辦理刑名往往任意延擱輾轉

株連甚至嚴刑逼供更改屍格如該御史所奏情形均所不免著各省督撫督同臬司通飭所屬認真辦

理力除積習倘有前項情弊著即從嚴參辦以肅紀綱而清庶獄○癸亥諭軍機大臣等有人奏疆臣徇

私殃民蒙奏釀亂署臬司等朋比為奸縣令浮收虐民各摺片廣西地方邊要全在疆臣實力圖維不任

屬員蒙蔽方足以資整頓著如所奏該撫史念祖種種徇私於靈川縣知縣陳國華浮收激變有心袒護

並署臬何昭然等劣跡昭著毫無覺察各節是否屬實著陳寶箴據派明幹大員馳赴廣西確切查訪據

實徵奏原摺片三件均著鈔給閱看將此諭令知之○諭軍機大臣等崇獻等奏鄰境命案久懸尸親兩次呈訴據實直陳一摺據稱光緒二十年科布多所屬杜爾伯特王旗有民人張子全被害一案經尸兄張子異在科布多控告并未認真審訊上年張子異前來烏里雅蘇臺呈訴當經該將軍等將原案解送科城辦理現又據尸叔張元茂來烏里雅蘇臺呈訴張子異在科城候案身故尸姪張邦振又在科城被押各情并風聞該處司員有受賄情事等語著寶昌於抵任後提集全案秉公研訊務得確情定擬具奏毋稍徇縱延宕原摺著鈔給閱看將此諭令知之○乙丑常壽大祀 天於 闕丘 上親詣行禮○上幸頤和園詣 慈禧端佑康頤昭豫莊誠壽恭欽獻崇熙皇太后前請安駐蹕○戊辰 上還宮○以崇寬爲內閣學士○諭軍機大臣等國子監司業黃思永奏內蒙古伊克昭烏蘭布通二盟牧地縱橫數千里土田沃衍河套東西尤屬膏腴山西經金牧地如令民多私墾不如官爲經營請飭籌辦等語著王文韶陶模胡聘之魏光燾體察情形詳晰籌畫妥議具奏原片著鈔給閱看將此各諭令知之○己巳 上御文華殿與國使臣齊幹觀見○辛未諭軍機大臣等湖南永順府知府吳澍霖著張之洞陳寶箴悉心察看如竟不能勝任卽行撤實參奏毋稍遷就將此各諭令知之○御史張兆蘭奏各省土藥行銷日盛請變通收稅章程下戶部議奏○壬申 上幸頤和園詣 慈禧端佑康頤昭豫莊誠壽恭欽獻崇熙皇



太后前請安駐蹕○乙亥 上還宮○諭李秉衡奏河工委員買料短少請分別懲辦一摺河工修防首重稽料豈容任意虧短貽誤要工此次承辦各員購買料物均屬短少應以所短之多寡分別懲處候補知縣慶瑞劉家馨松秀申映斗均著卽行革職候補知縣楊先甲王維賢均著以府經歷縣丞調補以示懲儆○丁丑諭御史周承光奏各省積弊請酌量變通一摺著戶部議奏○戊寅戴恩溥奏州縣爲親民之官其潔已奉公廉儉素著者固不乏人而暴戾貪橫苛虐百姓者亦所在多有其最難姑容者莫甚於以 朝廷有用之貲財飽貪員無厭之囊橐銀錢經手便於取攜或在服官省分放債盤剝出資經商或在本籍旗僱房田開設鋪面或爲子弟捐納職官作得缺贖財之計其虧欠之數自數百金至數千金且間有累至萬金者積少成多於帑項大有關礙雖各省有半年清查之例而紛紜轆轤恐未能按期清釐及事機敗露輒藉口因公挪移彌縫掩飾在官則大肆搜羅紳富勉供其稱貸鉅筭則巧爲計算後任暗受其欺誣迨至水落石出參革勒追其所欠較少者或能設法完繳其所虧太鉅者或且開風遠颺及奉 旨查抄時寓所衣物往往有僅估價數十金或十餘金者原籍則銀錢輻重早先期寄頓藏匿而地方官每曲意徇庇轉以家產盡絕率爲具結若本員已故飭令家屬完繳者地方官尤多視為泛常含混結報以致款項終歸無著督撫亦無可如何而該員之子弟或且有坐擁厚資出膺茲仕者臣竊思州縣

廉俸較優謹約者卽缺分瘠苦尙能溫飽有餘何以貪婪著名者查抄時反家無長物殊出情理之外然其任所寓所有無隱寄貲財詭秘伎倆或能掩人耳目至本籍之有無田產是否官渡置買則同鄉無人不  
知乃地方官竟敢扶同隱飾實屬朋比爲奸臣聞各直省此等風氣愈趨愈下牢不可破既深惜國帑之妄耗復痛恨蠹吏之明據相應請旨通飭各省督撫將虧欠官項州縣核實嚴追毋令狡脫除查明實係因公虧累家貧如洗者仍照例辦理外如本籍有田宅而地方官轉以家產盡絕率爲結報一經查出卽當科以祖庇徇縱之罪仍勒令該家屬如數完繳以杜欺罔而儆效尤上諭給事中戴恩溥奏各省州縣虧欠款項請飭從嚴究辦一摺州縣虧短正雜官款例應嚴行追繳近來各省辦理此等案件往往有心因循含糊了結殊非慎重庫款之道嗣後各該督撫當按照半年清查例核實嚴辦如有查抄之案地方官朦混結報並著一併嚴參○己卯上幸頤和園請慈福端佑康頤昭豫莊誠壽恭欽獻崇熙皇太后前請安駐蹕○辛巳上還宮○甲申上御文華殿俄國使臣烏爾他木斯科覲見○諭軍機大臣等督辦軍務王大臣等會奏議覆御史李瑞英奏請酌裁長江水師暨各省勇營一摺各省兵勇餉甚鉅前據戶部奏請業經諭令各直省認真裁汰並著合力遵辦趕緊辦理仍將所裁兵勇數目日期分晰具奏毋稍延緩將此諭令知之○諭軍機大臣等有人奏督臣袁德不堪重任據實糾參一摺據

稱兩廣總督譚鍾麟精神日衰智慮昏眊署中公事委任其子分發江西知府譚寶箴及都司張鍾祥友家丁恃勢招搖署中開設白鴿崇館閹姓商人行賄承充並有營勇尋毆傷人及搜拿旗丁草菅人命情事劣紳劉學詢劉學銓因案革職納賄贓緣奏請開復署廣西協副將鳳鳴前安定縣知縣李家焯徂徠爲奸請飭查辦等語著許振禕按照所參各節確切查明據實具奏毋稍徇隱原摺著鈔給閱看將此諭令知之○乙酉上幸頤和園訪 慈瀾端佑康頤昭豫莊誠壽恭欽獻崇熙皇太后前請安○題宮

申藩續錄

光緒一百四十

臣朱壽朋敬編

臣潘鴻鼎恭校

五月壬辰 上幸頤和園詣 慈禧端佑康頤昭豫莊誠壽恭欽獻崇熙皇太后前請安駐蹕○諭街道御史楊崇伊奏制錢缺少請飭各省開鑄鼓鑄並滇南銅廠有名無實請飭查辦各摺片著戶部議奏○奏已獄前雲南巡撫寶洪詔三品卿銜准重赴鹿鳴筵宴○鹿傳霖奏馬邊雷波越嶲峨邊四屬並屏山等縣均與大涼山野夷各爲雄長其強悍者卽自作一支無統率以資鈴束非情理所能感喻近日專以捕人勒贖爲事每年伺隙出掠旋服旋叛從無數年不出巢大擾者專派防營分布各要隘隨時嚴防而山徑紛歧防不勝防歷任督臣等奏報可稽連年臣等嚴飭該防營及地方文武加意巡防尙稱安帖茲據達字營統領提督王鴻發馬邊總同知沈璘慶署馬邊協副將何長榮等稟稱本年二月初四日右路搜千家支夷匪帶領百餘人潛出欲燒油梓坪該文武卽飭夷務熟練之左營都司楊光雲帶兵前往追捕遂已歸巢無事詎自十七八等日右路丁花坦峨等支夷匪每支輒帶數百人四出竄擾在中路大渡大壩獅子頭等處分頭焚殺居民奔避幸只殺死七人而捆去者受傷者均倍之燒毀房屋不計間數該

統領文武會商派令前營幫帶唐聯陞率隊先進無如支路紛雜此追彼墮因恐兵力未集地方蹂躪復令該營帶朱國錄右營幫帶馬鴻慶等均率大隊並令存城營守備向華廷鎮邊營哨弁方壽麟丁祖堯各帶兵勇分馳擇要堵禦而副前營亦派打仗奮勇之哨弁劉金芳張朝品帶勇隨同助剿二十日大隊馳抵走馬坪相機辦理夷匪竟不知畏懼復敢聚於四灣風溪灣一帶負隅抗拒是夜偷渡過河施放礮火石彈該營又調集茶鄉五團扼守各隘以防衝突我軍二十一夜三更後出隊過河分途攻擊夷匪倉皇接戰木石雨下天色已曙夷匪恃強不退我軍奮勇前進鎗礮齊施蹂躪夷匪多名燒燬四灣等處夷房三四百座奪獲牛羊氍衫刀矛等件斬賊夷首數十顆夷匪見我軍甚銳其勢稍怯已有翻山越澗遁者又經鎮遠營勇截擊奔潰傷亡者益眾匪蹤始衰該統領文武一面激勵將士鼓勇前進不少休息一面飛報到省當即飭令熟悉夷情之直隸州知州周鳳操前往指授機宜深追痛剿必待勢窮力蹙方准投誠以期日久相安嗣後據該統領協標稱此次委因丁花支夷句結雷波捏峨支夷糾眾四出擄殺迭經我軍節節進攻周鳳操到後會商分路搜剿均各擒斬多夷兵威大震並聲言進攻老果夷情畏懼懾服經各支千百戶年羅茨彝遠達六初等到營代為懇恩投誠並願全繳難民其殺斃居民亦照夷規賠償命價捏峨支另派黑夷上班當差如滋事端即惟甘肅十二支千百戶等是問該協標等見其悔

罪情真自應照准隨令各支夷酋到營鑽皮歃血盟誓不敢再行滋事並取其各支切實木刻存案備查  
現在全境均已安謐等情稟報前來臣查此次夷匪出巢其初勢極披猖且欲四路並出使我備多力分  
故同時屏山縣屬雙河口地方亦屢有夷匪出擾當經連字左營管帶李泰發等督弁勇黃玉春等鎗礮  
連施緝傷夷匪二十餘人先後斬賊夷首四顆救出難民四丁口而越巂屬又有野夷勿雷支等出巢搶  
掠該屬同知陳同禮暨署參將劉嵩一調集兵勇搶獲夷曲呀時哈二名解回留禁屬城飭俾木刻交  
出難民再行酌辦並經陣斬逆斃多名奪獲鎗刀矛等件該夷畏威不敢再出故屬縣均獲救平皆由  
該文武等相度機宜奮勇分別拏搗聚巢入深懸險使該夷大受懲創刻日歸誠不敢四出擾害聲威所  
布夷賊全銷未致老師糜餉川省歷年剿辦夷巢未有如此之迅速成功者所有在事文武各員不  
無微勞足錄臣謹擇其尤爲出力者酌保數員查有開復記名提督統帶達字全軍王鴻發調度有方督  
剿奮迅擬請免繳捐復銀兩陞補四川軍標副將署馬邊協副將何長榮馬邊屬同知沈璣慶該兩員先  
事防範周密臨事督兵勇往何長榮擬請 賞帶花翎沈璣慶擬請以知府在任候補先換頂戴直隸州  
知州周鳳操曾任雷波通判夷情畏服此次復調遣合宜不辭勞瘁請仍留四川以原官補用千總朱國  
錄把總唐聯陞兩員久駐邊防屢殲夷匪此次分隊搜剿擒斬最多實屬夷疆不可少之員擬請破格優

獎朱國錄請免補守備以都司儘先補用唐聯陞請免補千總以守備儘先補用千總馬紹麟等另剿夷  
斬獲渠魁擬請免補千總以守備儘先補用以上七員洵屬勞卓著速請獎叙合無仰懇 天恩俯准  
照擬給獎以示鼓勵下部議奏○乙未 上詣 醇賢親王園寢行週年大祭禮釋服○還頤和園○丙  
申 上還宮○戊戌 上御文華殿英國使臣寶納樂覲見○己亥鹿傳霖奏打箭爐關外諸土司以德  
爾格忒爲最大又名疊悉裘延於川藏之交南北五百餘里壤接西甯東西約二千里界連三十九族乃  
茶商入藏之北路程途較捷而地勢極要又據金沙江之上游若扼險設防則邊疆愈固 前於遵 旨  
統籌川藏全局摺內屢經陳明擬由此展修電綫次第經營俾聲惠靈通因川藏之藩籬杜外人之窺伺  
查該宣慰司側旺多爾濟羅追彭錯克自同治八年承襲之後其婦本西藏之女生子昂翁降白仁青向  
與瞻對番官對堆奪吉等交通因而婦禁其夫而別居子廢其父而自立緣倫絕滅恣行不義其苛虐土  
民一如對堆奪吉所爲皆憑藉瞻對威勢莫敢誰何而又連隔川疆弁塹 天朝政令 臣本擬大示懲創  
第以瞻對之議未定未敢再張撻伐乃該土民等見我軍威大震拯邊氓於水火又聞對堆奪吉遁回已  
在察木多病歿知昂翁降白仁青母子繫援口失該老土司迭次遣人赴駐瞻彈壓委員張繼行營訴陳  
冤督而所部頭目人等亦均紛紛詣營懇求張總辦稟到 上請速派員查辦伏思德爾格忒本川屬土司

今既自求查辦更未便置諸度外當檄張繼酌帶營勇馳往相機妥辦張繼卽率師深入險阻土民牛酒迎勞因宣布 朝廷恩惠復感激涕零惟小土司昂翁降白仁青梗頑如故尙欲審其燈臂糾謀抗拒不意張繼先已派營據其腹心本年四月十一日詢員輕騎馳抵土寨遂將其母子一併縛獲旋據該老土司及頭目人等先後呈訴愈稱小土司等依附瞻僧其地已將淪於異域今幸大兵遠降撥雲見天該土司自揣衰病之軀情甘乞退請將悍妻逆子盡法懲辦謹率全部獻地歸誠并將印信賦稅冊籍等項呈繳據張繼稟報前來查該土司幅員最爲遼闊形勢又稱險要實於川藏大有關係若不早爲規畫將來事變堪虞該老土司獻地歸誠自應俯從所請由川據派文武改設流官措置周詳深有裨於全局現在朱窩章谷兩土司亦係改設屯員辦理已有規模與此事同一律而壤地之廣大邊防之喫重尤爲過之相應請 旨俯准將德爾格忒改土歸流容 旨督飭張繼等詳細查勘再將建設事宜分晰奏明辦理竊查關外民多游牧舉凡差使之往來商賈之懋遷師行之輓運悉以牛馬馱載不可少離苟非孳養日蕃則貨物不通公私交困而唯德爾格忒屬地水草極爲暢茂興辦官廠收效最速百務胥基乎此是不獨量其賦稅以供俸餉無煩協濟如能講求牧政又可漸拓利源似與勞師糜餉勦遠略而鮮實惠者不同同日而語且各直省土司昏暴改設漢官在兵強帶足之時尙不免遷延歲月德爾格忒距川過遠歷



任未經整理久矣儼同化外幸自去年瞻寨用兵之後徼外倍謐天威而該委員張繼向來膽略兼優不辭勞瘁辦理瞻對善後拊循備至深得衆心故德爾格忒土司聞風生感慕其取下之推誠畏其治軍之旅整頓忱向化兵不血刃而罪人已得收此邊徼重地其才識戰功績迅著實爲近今所罕睹卽隨往員弁等雖未衝鋒陷陣而於狂風積雪之中裹糧露宿山險籌密經行無人之境者十餘日遠歷邊徼險難萬分均屬異常出力知府銜花翎直隸州知州張繼現已服闋呈報在營起復擬請免補直隸州以知府仍留四川歸候補班儘先補用並賞加三品銜同知銜卽用知縣武職請補缺後以直隸州用候補府經歷德瑞請免補本班以知縣用并加同知銜該兩員均並請賞戴花翎試用縣丞張錡請歸候補班補用瞻對案內已保游擊銜儘先都司梁翰章請免補都司以游擊補用已保花翎儘先守備盧鳴揚生得勝均請免補守備以都司儘先補用並加游擊銜已保花翎都司銜守備張世彥請免補守備以都司儘先補用並加游擊銜以上八員仰懇天恩照擬給獎以酬勞勩而示鼓勵出自逾格鴻施該土婦暨其子昂翁降白仁青背理誠倫素行悖逆張繼派弁押解歸縣收禁臣已飭提省審辦該處善後一切均飭張繼悉心體度務臻妥善以資經久奏八上諭軍機大臣等德爾格忒小土司昂翁降白仁青母子恣行不義業經委員張繼擒獲押解歸縣收禁該老土司頭目人等獻地歸誠現擬改流設官卽

著照所請行該督務當飭張繼等詳細查勘將建設事宜詳細妥籌奏明辦理○庚子兩○諭前據御史楊崇伊奏參奉天鳳凰城岫巖城兩處苛徵租賦及遼南州勒索規費各節當經諭令依克唐阿松林確查茲據查明覆奏遼南州縣向無需索規費情事惟應減緩租賦之處該各員既不遵部議分別緩徵又不遵章減收實屬辦理不善鳳凰城鎮紅旗防禦賓筠著卽行革職署鳳凰城鎮紅旗防禦騎校純玉岫巖城鎮紅旗防禦恩慶正白旗驍騎校得音均著交部議處鳳凰城守尉端岳署岫巖城守尉佐領慶祿失察屬員違章徵租亦屬疏忽均著交部察議○戶部奏土藥一項爲自古載籍所無既不爲物土之宜卽無從則壤成賦從前因懸爲厲禁自開禁之後種植日廣販售日多駁駁有不可遏之勢是以光緒十六年總理各國事務衙門會同戶部議定章程並將稅務司赫德採訪各節具摺請旨飭下各省督撫體察情形核實興辦近年以來各省覆奏或按畝輸稅或設局統捐按畝者則捏報歉收統捐者則隱匿短絀卽如南徐州土藥該省督撫初報以產計捐可收銀三十萬兩旋又改辦統捐在徐局每百斤捐足六十兩所過各關不復再捐乃自改章後每年僅收二十四五萬今又短至二十一萬餘兩卽此一處前後收數已屬懸殊一再改章竟同虛設其餘各省辦法不同要之一無實際統計各省收數每年不過一百數十萬兩其中胥役之包庇商販之偷漏官吏之侵漁種種弊端更僕難數朝廷徒受開禁之

名賦稅未獲徵收之實若不亟圖變計將大利徒歸於中飽等反復籌商並令總稅務司赫德詳加察訪據該總稅務司開呈手摺按近年出產吉林六千擔甘肅陝西山東山西河南直隸六萬擔四川十二萬擔雲南八萬擔貴州四萬擔浙江一萬四千擔江蘇一萬擔安徽二千擔福建二千擔總計三十三萬四千擔雖所開者祇係約略之辭然西人工於心計於中國物產較其稽考稍密無遺設以等所闕大抵邊壤荒寒之地災方瘠薄之區凡五穀不宜者爲粟轉能蠶殖所出之數與該總稅務司所開無異出入若釐稅併徵每一擔以六十兩爲度則三十三萬擔歲可約銀二千萬兩如此則不加稅而稅足不開源而源裕此等商販本非廉賈所謂多取之而不爲虐者也臣等查閱該總稅務司所開中國土藥吉林四川雲南江蘇等省最爲出色擬先由四省興辦辦有頭緒再爲推及他省吉林山海關稅務司兼理四川由重慶關稅務司兼理雲南由蒙自關稅務司兼理江蘇由鎮江關稅務司兼理等語然土藥與洋藥不同洋藥必先至通商各口而後散入內地在新關稅釐併征實爲包括無遺土藥則產銷內地而後分運通商各口在新關稅釐併征不免多所挂漏中國土藥吉林四川雲南江蘇以外各省不乏出產之區若專由上海重慶蒙自鎮江四關征收稅釐其距四關較遠該省商販不常經過者固難徧行查考即距四關較近而本地土藥已在本地銷售者亦屬無從征收若俟辦有頭緒再爲推及他省不惟累歲經

年難期速效終恐鞭長莫及徒費周章蓋各省可以兼統四關而四關不足以兼統各省事理灼然不待辯也茲擬通行各直省將軍督撫遴派幹員在各省出產土藥繁盛各處設立總局略仿洋藥稅釐併征之法先行試辦每擔百斤征銀六十兩就近在總局交納納足之後發給印票黏貼印花任其銷售無論運往何處概不重征如所過關卡查無總局印票及黏貼印花或斤兩不符除令找足六十兩外仍照章議罰自開辦之日起半年報部一次一年彙總開報惟一年征過土藥數目必與總稅務司手摺所開大數不甚懸殊方爲核實如所短過鉅則是賣放偷漏等弊未能杜絕該將軍督撫卽應將貪劣疲玩之員從嚴參辦如與手摺所開不相上下或更有加增亦准擇其尤爲廉能勤奮者奏請優予獎敘至總稅務司手摺未開之秦天黑龍江熱河新疆湖南湖北廣東廣西江西等省或向產土藥抑或新種土藥均應照此次征收新章一律辦理將來各省收有成數准提一成開支局用經費六成留歸本省專備撥還續借洋債其餘三成儘數解部照案作爲 奉宸苑 頤和園等處工程之用庶鉅款不致盡歸無著而部庫與各省餉力亦可稍紓現因需用過鉅籌款極難此事勢在必行各直省將軍督撫等自當共體時艱實心經營其應如何各就地方情形速籌開辦之處卽行妥定詳細章程奏報得 旨如所請行○戶部奏光緒二十三年四月十二日御史張兆蘭奏各省土藥行銷日盛請變通收稅章程一摺軍機大

臣面奉 諭旨戶部議奏欽此欽遵鈔交到部據原奏內稱土藥爲籌款大宗擬令各省查明實在出產數目專案報部一律改捐落地正稅蓋就地征收較官卡易於查察自收落地稅後任其運銷別省概不重征商民知不重征亦必樂於從事並擬由戶部發給印花領新繳舊收稅後即准黏貼印花所過關卡隨時查驗有印花者放行無印花者罰扣並請裁撤各局委員以省浮費專歸地方官經理按結詳報如能收稅足額由該上司比照征錢糧之例酌加獎敘設有隱匿一經查出即行嚴參等語臣等伏查各省土藥臣部已另籌征收之法定議具奏正續摺摺間據御史張兆蘭奏請前因查該御史請徵收落地稅核與臣部所議以在出產土藥繁盛之處就近每百斤繳足六十兩概不重征各節大致尙屬相符惟所請裁撤各局委員專歸地方官經理雖爲節省浮費起見第恐地方公事繁多未能常川稽查似不如設立總局派委員就近征收較爲得力至印花請由戶部發給恐邊遠省分赴京具領未免有稽時日且開需索留難之弊應由各省將軍督撫自行妥酌議定應用何項印信迅即奏明開辦以免遲延得 旨如所議行○辛丑 上幸頤和園詣 慈禧端佑康頤昭豫莊誠壽恭欽獻崇熙皇太后前請安駐蹕○癸卯戶部奏查臣部則例內載各省民間開設典當呈明地方官轉詳布政使請帖按年納稅於奏銷時彙奏報部其有無力停止者繳帖免稅直隸江蘇安徽江西浙江福建湖北湖南河南山東山西陝西甘肅四

川廣東廣西等省每年每座稅銀五兩雲南省每年每座稅銀四兩貴州省每年每座稅銀三兩奉天省  
每年每座稅銀二兩五錢各等語歷經各省照例徵收於奏銷冊內報部在案光緒十四年因河工需款  
臣部奏令各省每當商一座繳銀一百兩作為豫完二十年當稅奉准行知各省旋據先後報部共繳  
稅銀七十餘萬兩光緒二十年復因海防籌餉由臣部奏令中外典當各商於額稅外每座捐銀一百兩  
報部候撥計各省已報部者共捐繳銀三十餘萬兩該商典等兩次報繳鉅款已足見急公好義之忱當  
此時事艱難臣部亦知體恤商情未便強令再伸報効無如度支萬分奇絀銀行鐵路在在均須部籌即  
歸還洋債要需實已挪無可挪借難再借雖核扣中外俸廉裁汰各營兵勇加抽土藥釐稅提扣放款減  
平究竟每年騰出的款若干尙難豫料惟查京外典當以光緒十四年座數計之約共七千數百餘座開  
設既多資本亦鉅獲利較厚稅額獨輕臣等公同商酌擬自本年起重無論何省每座按年納稅銀五十兩  
歲可共徵銀三十餘萬兩應由各省州縣查明現在座數分別造冊詳司報部稅銀照徵足額繳解藩司  
彙總專案隨冊奏咨聽候撥用不許外省截留其有光緒十四年已繳二十年稅銀者除已經歇業不  
計外凡現經開設者均自本年起重准其按照豫繳之數分年扣除已繳五兩者補繳四十五兩已繳四兩  
者補繳四十六兩已繳三兩及二兩五錢者准此類推均俟豫繳年限屆滿仍照五十兩之數徵收光緒

十四年以後新開各當擬自本年每庫徵稅銀五十兩不得延欠此外則例未報各省如吉林黑龍江  
新疆等處無論新舊商均自本年起一律徵銀五十兩以昭平允該商等食毛踐土具有天良自當體  
念時局之艱勉赴公家之急惟既加稅額自應概裁陋規從前各商呈充領帖換牌藩司道府州縣各  
衙門均有使費地方官吏年節亦有陋規商力幾何何堪賸例擬請 旨飭下各省將軍督撫嚴諭該管  
地方官概行禁革不得再蹈從前惡習如有假公濟私加派逾額或劣紳竊投藉端訛索准該商人據實  
控告按律嚴懲該上司等不得袒庇姑容以恤商艱而重稅課一俟 命下卽由部行知順天府府尹  
暨各該省將軍督撫轉飭所屬州縣等官剴切曉諭各商一體欽遵辦理得 旨如所議行○甲辰致仕  
大學士張之萬卒子祭葬贈太保入祀賢良祠尋予諡文達○乙巳 上還宮○丙午諭御史張仲忻奏  
大員縱庇子姪授意司員消弭鉅案一摺據稱直隸玉田縣紳民賄賂已革御史溥松奏該縣苛派差稅  
一案薛允升之胞姪薛濟卽薛汝舟爲之包庇賄通薛允升又復設法消弭等語著派徐桐啟秀秉公查  
辦據實覆奏○御史張仲忻奏臺灣既歸日本其山該處所產貨物自應比照洋貨收稅請 飭下總理  
衙門轉飭稅務司改照外洋進口稅章抽收以裕餉源得 旨該衙門查核具奏○丁未以李經羲爲湖  
南按察使○戊申諭軍機大臣等有人奏癸卯年甘肅副考官謝佩璽貪婪著名沿驛肆虐山西境內有

擬與銀帶辦差家人情事路經徐溝縣被竊行篋零星物件捏稱失去多銀勒令地方官賠償嗣經調停  
資贖始去該副考官馳驛歸時紆道太原曾向胡聘之聲稱失銀等語著胡聘之按照所參各節確切查  
明據實具奏不准徇隱原片著鈔給閱看將此諭令知之○諭巡視東城御史連陞等奏宗室桂林闖入  
公堂打毀衙署請有懲辦一摺本月十三日夜間宗室桂林闖入東城副指揮公堂肆鬧並有打倒堂後  
影壁情事業經該御史等將該宗室送交刑部著宗人府會同刑部確切審訊按律懲辦另片奏宗室覺  
羅不暇黃紅帶到官照常人審辦請申明舊例詳定章程等語著宗人府議奏○庚戌夏至大祀 地於

方澤 上親詣行禮○上幸頤和園詣 慈福端佑康頤昭豫莊誠壽恭欽獻崇熙皇太后前請安駐

蹕○辛亥諭戶部奏稽查雲南貴州兩省銅鉛運務各員期滿請旨更換一摺雲南辦解十六起二批京  
銅貴州辦解京鉛已據咨報啟程此後續辦銅鉛次第運解沿途稽查各員期滿該部查照前案將歷過  
雲南四川湖北江蘇直隸等省各員開列名單請旨更換四川著派裕長湖北著派王之春江蘇著派聶  
緝縻直隸著派李邦楨卽責成各該員嚴飭各道府及沿途地方文武員弁認真稽查催護送前進如  
有無故逗遛及盜竄短缺等弊詳由該督撫嚴行參辦沿途所需水師照料之處卽由派出之員詳咨前  
途督撫及水師提督調遣仍著自奉旨之日起以三年爲期均責成此次所派之員一體經理如有升調



事故卽著代任之員遵辦期滿再行更換○壬子 上還宮○甲寅諭李秉衡奏大汛已臨請暫停西韓家堵口工程一摺據稱西韓家口工程前經奏明築順水壩亟謀堵合乃因新淤未實大汛已臨致將已作未成之金門占又復衝塌人力無可再施惟有暫飭停工俟秋後接辦並自請交部嚴議在工人員摘頂懲處等語李秉衡自請嚴議之處著加恩改爲交部議處督辦河工道員丁遠恩參將略金玉都司王恆德均著摘去頂戴以示懲儆此時伏汛已至人力難施自應暫時停工俟秋後再行接辦惟已成之壩座三百丈當竭力保護勿稍疏虞一俟秋汛漸微卽著併力興工以固隄防○乙卯戶部奏光緒二十三年三月十二日奉 上諭御史朱伯魯奏請添扣各項減平以裕利源一摺著戶部議奏欽此欽遵由內閣鈔出到部據原奏內稱籌款之法節流不如開源而開源之途有二有創前此所未開者取道紆而資效遲有就已成之局而推廣之者用力省而成功易現在洋債繁重庫款支絀轉盼交利之期又屆司農仰屋計吏束手於無可籌畫之中必籌一歲入鉅款則莫如酌增減平之一法查庫平一兩內核扣減平六分爲京平一兩雖賈如王公鉅卿其廉俸莫不核扣近如宗室覺羅其錢糧亦莫不核扣而外省旗綠兵勇餉乾或竟支庫平並不扣減或按庫平共減三四分不等本非平允之法然相沿已久無故亦不便更章茲因籌款萬難不得已擬統按六分核扣其向有支款佔定者仍准留用此外添扣者概令報

降每月每人所扣無幾似無傷於正體而的款每年約可得銀百餘萬兩若仍不足用或再將一分平餘扣款普遍推廣每年又可得數十萬金之可得二百萬蓋軍需定例惟採製運腳除扣平外每百兩向扣平餘銀一兩餘則不扣今擬統行核扣等語臣等伏查道光二十三年臣部奏明將各省文武廉俸暨雜支等款一律減平支放每年約節省銀七十四萬七千餘兩又咸豐七年奏明兵餉馬乾等款毋庸減平其餘一切放款改用二兩平支放每年約節省銀二十餘萬兩俱令按平如數解部又光緒十年奏明各省勇餉大半按湘平支發嗣後一切薪水雜項均照湘平扣銀四分之數一律扣平支放扣出銀款另行存儲候撥此臣部先後辦理減平之大略也今御史宋伯魯奏稱解款萬難不得已擬統按六分核扣概令報解每年約可得銀百餘萬兩等因查各省支發庫平各款除京協各餉海關經費中外交涉款目僱募洋人薪工購買外洋物料均難議減外現在旗綠各營兵餉馬乾員役薪糧等款每年約需庫平銀一千四百五十萬兩若每兩減平六分一年約節省銀八九十萬兩實不及百餘萬之數惟每年每月所扣無多不至運行困苦而銖累寸積有成數於庫儲不為無裨臣等公同商酌擬照該御史所議行令各省自本年七月起無論藩運道庫及各局處所領支旗綠各營俸薪餉乾米折養膳並各項經費津貼薪費口糧暨一切正雜各款凡向支庫平者每兩核扣六分統按二兩平發給其由旗綠各營內挑練之兵所

支餉精本較額兵爲優亦應核扣六分平以歸一律至各省勇餉多係開支湘平當此整頓營勇之時自未便再行核減第查各處防餉間或以庫平支給未免稍有參差亦擬令自今年七月起無論舊有防勇新添練勇以及學習洋操各軍凡餉項開支庫平者照數核扣四分統按湘平發給計各項減平扣出銀數若干應令撥半年報部一次專款存儲留備部撥還洋款無論何項不得擅行動支其從前減平各案扣存六分四分各數並令照案分別解部及報部候撥毋得徑行截留應用再軍需例扣一分平餘開支書吏工食爲數無幾自應循例辦理無庸統行核扣以上核議各節如蒙 俞允應請 飭下各直省將軍督撫一體遵辦並將各該省各項減平一年約扣數目先行專案奏報毋稍遲延得 旨如所議行

○李秉衡奏山東黃河河身淤澱堤埝卑薄一切爲難情形經臣疊次陳奏在案臣近駐西韓工次連日河水暴漲附近下游兩岸紛紛報險臣親往查看如北岸之大馬家大田家張灘豆腐巷梁安安莊利津城關南岸之曹家店卡莊梅莊下至南北嶺西灘辛莊等處堤埝出水高者不逾一尺低者或僅數寸或已與堤平南岸之埝係民修民守殘缺尤甚或於堤上累土爲埝藉顧目前而各處罅漏疊出應接不暇少加風浪即可平漫而臣前因經費難籌雖奏請擇要加培僅以出水三尺爲度然堤加五尺而河身之淤亦隨之則加如未加矣即各處儲備料物以爲搶險計然上下數百里間處處可以漫溢一遇汛漲卑

者不能驟使之高是無處非險並無處可抬矣伏思豫省黃河寬至數十里或十餘里其堤身之高厚屹若長城河工專心致志以全力副之故能得以無事東省堤埝之卑薄則有如出隴河面之狹隘則僅勝溝渠近年因尾閘不暢節節淤飽河底高於平地全恃一縷危堤將洪流束範滿則必溢處處皆岌岌可危將欲大爲修培則數百萬帑金既無從籌得欲展寬河身則數十萬居民又無地安插種種難辦情形較豫省不啻倍蓰以撫臣兼司河務事繁責重又不能如河臣之意意經營此卽智慮過人猶懼不逮況以臣之愚拙更覺踴躍萬分現在伏汛將臨在在險要臣添膺重寄曷敢不勉荷仔肩卽各處工員經臣訓飭再三亦無不勤奮趨工力求穩慎惟以萬里黃河歸宿之處而河身不能翕受卽竭力補救而防其衝決安能禁其盈滿一屆大汛其橫溢四出勢所必至自愧宣防無術莫濟沈寤實覺上負 聖明下慚黎庶捫心午夜寢饋難安此微臣獻棟下忱所不得不直陳於 聖主之前者也報聞○丙辰諭軍機大臣等鍾麟奏查明廣西徵墾工程並酌減餉數一摺廣西沿邊一千七百餘里蘇元春所轄二十營合則見多分別見少該提督前請免予裁減自係爲慎重邊防起見惟廣西素稱瘠苦籌辦防營月餉亦實有爲難情形現在蘇元春有每營抽減兩棚之議擬於邊餉四十萬兩之中每年節省銀三萬八千餘兩等語著吏部照蘇元春體察情形能否再行核減和衷商酌會同具奏至各營弁勇應如何勻紮之處著

蘇元春酌奪辦理原摺鈔給閱看將此旨諭令知之○丁巳兩○是月日本國新簡駐華使臣矢野文雄抵任

六月己未朔諭前據刑部奏承審大凌河牧羣一案崇善奏參與上駟院駁請辦理兩歧請派大員詳核例案以憑定議當派榮祿許應騷會同刑部將例案詳細考核茲據查明復奏大凌河牧羣定章羈馬以一年倒斃之額定考成羈馬以三年孳生之數分別功過極爲明晰光緒二十一年六月間崇善查因羈馬倒斃逾額至六百餘匹之多勒令該牧長賠補並將結報不實之數領景美等一併參參係按照每年考核之例辦理乃上駟院承辦司員因是年適值三年均羣之期遂藉口於相沿成案將羈馬十羣統按三年三次例倒之數積總核算輒稱並無逾額雖次奏咨駁請實屬有意牽混此案崇善原參倒斃逾額既經查明尙無不合卽著仍照原案辦理牧羣關繫緊要豈容稍有弊混經此次申明例章之後該牧羣總管著仍照向章將羈馬羣每年隨時查明如有倒斃逾額卽行分別參賠上駟院於三年均羣時將羈馬羣分別辦理不得稍有牽混以肅馬政而清積弊另片奏上駟院司員關說賄求各節現據供詞狡展非取具確供不足以成信據等語左司員外郎繼德筆帖式恆有牧長哈新泰均著暫行革職歸案研訊務得確情按律定擬具奏○庚申 上詣瀛秀園門恭迎 慈禧端佑康頤昭豫莊誠壽恭欽獻崇熙皇

太后還宮○壬戌諭御史鄭思賢奏大部司員保送倉庫請飭酌量變通等語著該部議奏○癸亥上  
御文華殿日本國使臣矢野文雄謁見○甲子諭陶模疏光祿奏剿辦會匪出力員紳懇恩獎勵開單呈  
覽一摺陝西洋縣匪首高彥發積年巨患於上年冬間糾眾滋事勢甚猖獗經升任陝安道景星督飭團  
丁等會同鎮標分投剿辦當將匪首擒獲餘匪分別懲辦地方一律安謐辦理尙爲迅速在事出力員紳  
自應量予獎勵所有單開之升任陝安道景星著交部從優敘獎中府知府常裕著以道員在任候補  
署洋縣知縣張鵬翼著免補本班以直隸州知州仍留原省歸候補班補用附生李春勳著以縣丞不論  
雙單月歸部選用武生牟鴻烈著以把總歸標儘先拔補恩貢生李連枝著以教諭不論雙單月歸部選  
用把總宋世韜著以千總儘先拔補並試加守備銜儘先千總熊世再著免補千總以守備歸標儘先拔  
補差弁胡文光著以外委拔補以昭激勸仍著飭令該營鎮道府督飭各屬整頓保甲及各防營隨時嚴  
密巡緝毋稍疏懈○丁卯上詣奉先殿壽皇殿行禮○戊辰李秉衡奏准戶部咨稱據總稅務司  
赫德開呈手摺按近年土藥出產各省總計三十三萬四千擔若釐稅並徵每擔六十兩歲可得銀二千  
萬兩通行各直省試辦妥定詳細章程專案奏報等因奉諭旨依議欽此欽遵咨行到臣在部臣以辦  
款維艱無可設法欲借此以彌利源自是救時之意然臣就赫德所定之數反覆參稽實見有礙礙難行

及行之而其利未收其害先見者故爲我 皇上敬陳之。蠶桑一物非肥沃地畝不能繁殖愚民貪圖  
利將宜穀膏腴之土栽種蠶桑馴至糧價日昂浸爲民患故從前久懸爲厲禁嗣因利之所在種植日多  
光緒十六年總理各國事務衙門會同戶部奏請加徵稅釐欽奉 上諭果能設法稽徵認真辦理既可  
裨益餉需並可以微爲禁噤寓崇本抑末之意等因欽此 聖謨洋洋洵正俗坊民之要道也今若明定  
數目某省據以萬計某省據以千計將使九州之上腴盡棄嘉禾而植惡卉必致畝無棲糧家無儲粟樂  
歲既少蓋藏凶年更坐以待斃往者奈何大祲餓殍載道其禍實中於此以害稼賊民之事爲損上益下  
之謀我 國家愛育黎元重農貴粟不宜有此政體也且夫謀國計者計事理之是非尤當權利害之輕  
重果其此令一下而千萬之歛卽能廢輸於司農則稍見其利而遺其害猶可言也然今天下民力竭矣  
卽 朝廷維正之供綜計地丁漕項雜賦等款額徵銀三千六百萬兩有奇近年各省實徵不過七成約  
短徵銀一千一百萬兩有奇乃土藥之稅與則壤成賦之正供相提而並論此必不可得之數也臣請以  
山東言之山東土藥所產多在省城西南兗沂曹濟各屬光緒十六年前撫臣張曜遵奉 諭旨籌辦土  
藥稅釐在省城專設總局於產土地方派定經紀開設有棧俾便稽查復派印委各員會同管理查東省  
土藥每擔約值銀二百餘兩每價銀一百兩徵落地稅銀八兩釐金銀八兩如由各海關出口則加收關

稅銀八兩計每擔共收銀四十八兩自十七年奏辦以來多者不過七萬餘兩少則四五六萬餘兩不等今赫德所議山東土藥一萬擔以每擔六十兩計之應徵銀六十萬兩較從前數且十倍是卽於向所不產之處教之樹藝多方搜括又未必能益其數揆之事理既有所不可做臣愚拙之性亦實力有所不能復查赫德所開自山東而外如山陝直隸江皖閩浙等省姑不具論他如四川十二萬擔應徵七百二十萬兩雲南八萬擔應徵四百八十萬兩貴州四萬擔應徵二百四十萬兩吉林六千擔應徵三十六萬兩甘肅一萬擔應徵六十萬兩此五省中以四川爲最富庶而額徵地丁雜稅不過六七十萬兩今所議土藥稅多至十餘倍恐竭全省之財力亦有未逮至雲南貴州吉林甘肅四省皆所入不敷所出全賴部撥鄰省爲之協濟上年戶部攤還俄法英德借款此四省中除雲南蒙自關外其餘皆未指撥蓋以該四省本係缺額之區無可籌措也今如赫德所議以邊陲瘠薄之地而責以數百萬數十萬之稅恐難以劉晏之才商榷之法亦不能強無而爲有矣當茲庫藏奇絀價買糴穀部臣持籌之苦衷疆臣亦當共喻使能歲獲鉅款如原奏所稱不加稅而稅裕固所樂聞然此栽種土藥之地畝固卽國家已有正供之地畝也我朝列聖相承深仁厚澤調租減賦史不絕書二百五十餘年官吏恪守定章罔敢苛歛土藥雖獲利稍厚徵稅以示裁抑其亦可矣乃於地畝正賦之外復浮計其出產加徵或相倍蓰或相什百之多



卽令如數取盈已非 聖朝寬大之政況財者國之脈民之命竭地利之所出不能要其誅求必至商賈  
裹足怨譟繁興現在蜀滇黔粵強敵正相環伺使民不堪命勢必包藏禍心迭起事變愚且不可勝言利  
於何有是三千萬之數斷不可得何必虛懸詔令爲此得不償失之謀哉欽惟我 皇上聖德如天愛民  
如子籲懇 收回成命 敕下戶部暨總理各國事務衙門仍照現辦土藥釐稅章程通飭各省實力稽  
徵毋任隱匿中飽以期上可裕國下不病民至攤還洋債上年經戶部分別派定凡常年應解之款無論  
如何爲難<sub>臣</sub>當督同司道各員設法騰挪如期清解各直省疆<sub>臣</sub>均受 恩深重當能各清各款上紓宵  
旰之憂正不必另議新章洋款已不至無著<sub>臣</sub>尤伏願 皇上聖敬日躋 恭儉爲德念損上方能益下  
竭澤必至無魚常存撙節愛養之心力屏土木遊觀之樂其在易曰節以制度不傷財不害民大學實用  
之書舒則財恆足果能取之有制用之有經則小民眾 浩蕩之恩 聖祚有無疆之慶矣<sub>臣</sub>仰沐 恩  
慈獨厚未能少報涓埃管窺之陋不敢臆默伏冀 聖訓採納不勝悚懼屏營之至待 旨該衙門議奏  
○己巳兩○辛未以唐景崇爲兵部左侍郎○諭軍機大臣等毓崑等奏松蟲搜捕未盡所需款項前領  
八千兩約計仍恐不敷現在直隸藩庫撥給運米贖費等項銀三萬兩業已解到卽於此項暫行挪用將  
來再行統核數目請領歸還等語搜捕松蟲雖次所撥銀兩實已不少現屆大雨時行松蟲情形當較輕

減搜捕自亦易於淨盡所需經費著於運米腳費項下撥用銀三千兩此款將來不得不由部請領歸還嗣後亦不准再行續請撥款以昭核實將此諭令知之○壬申諭祥麟等奏廢員報効軍臺經費可否賞收並請獎敘一摺已革御史鍾德祥係因言官收受贓銀獲咎情節較重所捐銀兩著不准收祥麟依春阿並未聲敘該革員犯事原委奉行具奏殊屬非是著傳旨申飭○癸酉諭前據御史羅輝奏參福建藩司黃毓恩驕貪不職各款當經諭令邊寶泉確查具奏茲據查明復奏福建布政使黃毓恩在任尙無貽誤惟馭下太寬致門丁倚勢招搖恣意婪索毫無鈐束實難辭咎黃毓恩著交部議處候補同知平元煥工於牟利聲名甚劣著以府經歷降補前署福防同知唐爾時尙無出入藩署招搖之事惟業經另案降補著卽飭令回籍不准逗遛○甲戌松林以病免以廷杰爲奉天府尹○乙亥諭廖壽豐等江浙盜風日甚浙江有光蛋肆行路劫之案若不剷除必貽後患著從速分拿會剿○戊寅諭給事中龐鴻書奏江浙等省徵收地丁條銀折價與市價懸殊請酌減一摺著戶部議奏○己卯崧蕃等奏臣等因雲南礦地尙多未能推廣歷年辦運京銅未能加批確查情形據實奏請解銅百斤加價二兩合前准加一兩共銀十三兩三錢原爲推廣招徠以維礦政而固利權起見茲准戶部議覆如一年辦解兩批之外加解一批實解到京始准將加增之批每百斤暫加銀二兩若能逐漸遞加亦應接批加價仍令遵照同治

十三年變通銅本運費奏案按四廠原議之數分晰加給不得概定十三兩三錢俟將來銅礦豐旺規復原額再照價發給倘一年僅只運到兩批仍按前定價銀支給不准稍有加增等語奏准咨行到京自應遵照辦理惟其中窒礙情形請為我 皇上縷晰陳之伏查公司辦運京銅係按廠收買出自本地貧民准集工本開礦設爐煉成銅隨交公司過秤給價後分運各店陸續運滬集有成數方能核定批數即廠民隨時交銅隨卽領價固無從辨別其為加批不加批之界限也若照部議每年辦解兩批之外准將所加一批加價二兩逐漸遞加按批加價則是同一年而銅價有低昂同一銅而加價有先後倘遵照出示通行或限定交銀數目劃分頭二批或限定月日截止作為增加之批恐廠民惟利是視祇知加價不問批數因以給價之多少為交銅之趨避勢必置前所得之銅退歸於後待價而沽不特礦物不能振興而擴利源轉使廠民藉以觀望而誤京運此礙難出示之實在情形也欲竟不示曉諭聽從公司遵照部議發價則廠民交銅領價而有遲早多寡之殊必公司遵照部議發價則廠民交至爭索不依其貽誤更有不堪設想者非但如部議所云有加價之名無加批之實已也 臣等籌商再四際此時艱庫款力求撙節絲毫不敢虛糜惟事關京運要需濟民生計不能不於部議略為變通仍懇 天恩准自光緒二十四年為始每年二批實解到京運銅百斤概加價銀二兩合前加價一兩共銀十三兩三錢能逐漸遞加

亦按批加價倘每年仍解兩批到京並未加價雖收銅照價發給悉令公司自行賠墊不准照加價銀數報銷似此舉辦一則布實惠於廠民鼓舞之不能不盡力以圖功一則嚴示發於公司限制之不得不加批以顧本實於京運民生兩有裨益又如部議令遵照同治十三年變通銅本運銷奏案按四廠原議之數分晰加給不得概定爲十三兩三錢等語又查同治十三年試辦茂源寶豐四廠奏定銅價連出廠運省脚銀均在十兩以外惟萬寶廠稍減亦須九兩六錢五分統計四廠銅價不甚相懸究屬參差不一光緒十六年變通銅價已概定給價十兩零三錢迨十八年請准加價一兩業於二十年兩次奏銷自十八年七月二十八日以前冊造各廠均給價十兩三錢七月二十八日以後均給價十一兩三錢由首店起運脚價在內亦經部議核准在案等查公司接辦以來設廠開採固不止此四廠而民間自集工本擇地設廠亦不一而足此次若遵照部議劃出四廠給價不得從同亦非所以示持平而一商情准有懸恩俯允無論何廠每銅百斤均給價十三兩三錢俾圖劃一得以遵照出示而廣招徠如蒙俞允應由臣等會同督辦唐炯併力稽查如公司及收銅委員人等稍有加秤扣價及抑勒商民等弊即行據實糾參從嚴究辦務期振興礦利日有起色仰副聖主慎重公帑軫恤民艱至意得旨戶部議奏○庚辰總理各國事務衙門奏准軍機處鈔交光緒二十三年五月十八日御史張仲炘奏臺灣土貨

請照洋貨收稅一片本日奉 諭旨該衙門查覆具奏欽此欽遵鈔出到臣衙門查原片內稱臺灣既歸日本其有該處所產各物自應比照洋貨收稅不得仍前辦理擬請 飭下總署轉飭稅務司改照外洋進口稅章抽收以裕餉源等語臣等遵即剴飭總稅務司妥籌申覆嗣據呈稱馬關定約以後情事改變臺灣一處應作為外國看待開具洋貨土貨進出口徵稅辦法四款並聲明此項土貨入內地時領有入內地之稅單照卡委員以其貨與土貨相似不肯遵照稅單放行應飭各釐局免徵放行等因臣等查臺灣既非內地該處進出口貨物非改照通商各口稅章辦理不足以昭劃一該御史所陳不為無見既據總稅務司申覆各款與通商各口稅章辦法相同自應查照辦理至該總稅務司所稱土貨與土貨相似凡領有入內地之稅單應飭各釐局照章免徵一節核與領單之洋貨入內地不再重徵之章相符亦應准如所請以免擾輻而杜口實如蒙 俞允應俟奉 旨後由臣衙門咨行南北洋大臣閩浙總督福州將軍兩廣總督並飭行各海關道總稅務司一體遵照辦理並將總稅務司所擬辦法四款另繕清單恭呈 御覽得 旨如所議行 總稅務司赫德所擬辦法四款 一凡臺灣之土貨自今以後應作為洋貨看待於運進中國口岸時徵收進口正稅若運入內地或按中國辦法逢關納稅遇卡抽釐或在新關完納子口半稅請領入內地之稅單運赴單內載明之處概免各項稅捐 嗣後土貨自便若復運通商他

口應給免稅執照若復運外國應給存票 一凡中國之土貨運往臺灣於出口時應完納出口正稅不給何項單據如該貨自臺灣運回中國他口則視為洋貨應完進口正稅後與他洋貨辦法無異 一凡洋貨在中國已納稅餉者若限內運往臺灣應給存票 一凡船隻已在中國完納船鈔領有四箇月為期之專照如駛赴臺灣所領專照無礙行用○辛巳諭御史徐道焜奏江西水災賑濟宜速一摺本年春夏之交江西地方雨水過多江湖並漲以致各州縣田廬被淹災區甚廣飢民眾多覽奏殊堪憫惻著德壽迅速查明妥籌賑濟毋任失所○癸未以季邦楨為福建布政使袁世凱為直隸按察使○諭前據御史鄭思賢奏兩廣總督譚鍾麟任用私人列款糾參當諭令許振楫確查具奏茲據查明覆奏所有辦理閩姓之候補知府方功惠收受賄規之廣州協副將鳳鳴管帶楚軍不安本分之都司張鎮早經譚鍾麟分別參辦撤退是該督並無受人欺朦尙屬可信惟方功惠等三員聲名甚劣各有應得之咎應著即行革職從九品譚鍾麟受賄規雖繳出仍著一併革職該督之子江西候補知府譚寶葵既經查明並未干預公事即著毋庸置議○甲申 萬壽聖節 上御乾清宮受賀○丙戌 上詣 大高殿 壽皇殿行禮○是月法蘭西國使臣施阿蘭回國以上海總領事呂班署理

秋七月戊子朔時享 太廟 上親詣行禮○己丑諭軍機大臣等有人奏廣東近年盜風猖獗南海縣

報案局自光緒十四年起至十八年止共報盜案一千三百餘起省城西關日哺卽此戶嚴局府前街藩司街亦不免白日行劫羣盜以劣紳爲窩主劣紳又恃奸捕爲耳目如南海縣之張喬芬番禺縣之韓昌皆劣跡彰著張喬芬有強縱窩賊手書石印俾觀地方官隱忍坐視以致盜案愈釀愈多等語以東盜風素熾捕務極宜講求著譚鍾麟督飭該地方官設法嚴拿務獲渠魁張喬芬等如果有窩盜情事卽該從嚴懲治以清盜源原片著鈔給閱看將此諭令知之○庚寅協辦大學士吏部尙書李鴻藻卒○祭葬謚文正贈太子太傅入祀賢良祠○諭軍機大臣等有人奏刑部尙書薛允升消弭巨案臆陳貪職枉法各情請飭查辦一摺著徐桐啟秀將所參各節併入前案逐一確查具奏原摺著鈔給閱看將此諭令知之○辛卯諭朕欽奉 慈禧端佑康頤昭豫莊誠壽恭欽獻崇熙皇太后懿旨協辦大學士吏部尙書李鴻藻秉性忠誠自贊襄樞務以來深資倚畀去年患病尙復力疾從公本年春間因腿疾增劇迭次請假調理深宮時殷亟系特派御醫診視賞給藥餌並派員前往看視方冀就痊長承恩眷遽聞溘逝軫惜殊深著派郡王銜貝勒載灃帶領侍衛十員卽日前往賜奠用示篤念耆臣至意○諭軍機大臣等給事中龐鴻書等奏太湖島匪充斥亟宜妥籌辦法一摺著劉坤一等查明先行具奏太湖界連江浙遇有島匪出沒該督撫等務當各派得力營弁迅速會剿將此諭令知之○諭給事中龐鴻書等摺內所稱長江水

師不宜輕裁一節著劉坤一等酌量辦理○壬辰調孫家鼐為吏部尚書許應駙為禮部尚書以錢應溥為工部尚書廖壽恆為左都御史○諭軍機大臣等史念祖奏哥老會匪潛撲瀾陽縣城當經督團擊退並飭拿餘匪一摺廣西興安縣地方前有哥老會匪首唐燕亭等開堂放票業經拿獲正法本年五月間匪黨聲言報復乘夜潛撲瀾陽縣城該縣吳良榮督團迎剿擒斬多名該匪敗退逃竄辦理尚無貽誤仍著該撫督飭各員弁將此股匪徒實力搜剿並勒限嚴拿逸匪唐玉合務獲究辦興安縣卜永春辦理不善畏葸無能著卽行革職出力員弁准其擇尤酌保毋許冒濫陣亡練丁著交部議卹餘著照所議辦理將此諭令知之○甲午戶部奏上年十月間奏撥本年京餉銀七百萬兩嗣因部庫存款無多每月放款甚鉅當於本年三月間援案添撥銀一百萬兩共銀八百萬兩均限於五月前解到一半年底一律解清先後奏准行知各省關遵照在案今查截至本年五月底止除劃撥已解及報解起程及半各款外其解不及半暨絲毫未解各省關本應分別參處第念本年五月以前放款尚無貽誤仍請照案暫免開參總計本年原撥續撥京餉各省關未解共銀四百八十七萬五千餘兩分晰繕具清單恭呈 御覽惟部庫現存正項為數無多開放時虞不敷各省關若再報解遲延實有支應不及之慮相應請 旨嚴飭各該督撫將軍鹽政藩司運司鹽道監督等各將未解京餉趕緊陸續提前解部以供開放統於年內掃



數解齊倘敢諉卸拖欠致誤要需臣部定行照章參辦其現在解不及半及絲毫未解等處經此次奏催後仍不完解卽由臣部隨時指名嚴參上諭戶部奏請旨催解京餉一摺本年京餉原撥續撥共銀八百萬兩截至五月底止除劃撥解到及報解起程外尙欠解銀四百八十七萬五千餘兩現在部庫支絀應放各款均關緊要所有各省關欠解京餉亟應全數報解以應要需該將軍督撫監督等各將欠解銀兩趕緊陸續提前解部統於年內掃數解齊倘敢諉卸拖欠卽由戶部照章參奏其解不及半及絲毫未解等處經此次嚴催後倘仍不完解卽著戶部隨時指名嚴參○戶部奏各省裁減兵勇節省餉銀大宗數目務宜認真辦理應請飭下各省將軍督撫慎選將領嗣後再有老弱缺額等弊務將該營將領從嚴參處并將該營某標某軍原有新增各項兵數餉數實存兵勇數目造具簡明細冊限文到三箇月送部查核辦理得旨如所議行○乙未調剛毅爲刑部尙書松淮爲工部尙書○調李瑞菴爲倉場侍郎以趙舒翹爲刑部左侍郎○以奎俊署江蘇巡撫○丙申上詣建福宮孝貞顯皇后聖容前行禮○命廖壽恆仍在總理各國事務衙門行走○以張鴻駿署刑部左侍郎梁仲衡署工部左侍郎○丁酉諭軍機大臣等都察院奏編修支恆榮等以地方彫敝徵收丁漕公費太重請分別裁革據情代奏一摺據稱江蘇丹徒縣徵收地丁每兩折收向不得過千五百文嗣因銀價昂貴每漕一撮加增五百文今則

銀價落至一千二百餘文加增公費之例仍未革除丹徒漕米既不起運加收運費一千文之例究屬名實不符請分別革除裁減等語著劉坤一趙舒翹確切查明應否酌量裁減之處奏明辦理原呈著鈔給閱看將此諭令知之○諭崇欽志銳奏扎薩克不候結案擅離職守請飭懲儆一摺扎薩克錫圖公阿育爾色德丹占扎木楚前經因案被參追繳銀兩延不遵交復辟轉進京引見不候盟長給咨徑行山牧牧程實屬糊塗成性阿育爾色德丹占扎木楚著革去扎薩克之任令該公之子蘇倫承襲○壬寅 上諭奉先殿 壽皇殿行禮○癸卯諭本日召見發往山東差委之提督林秀全謝恩後起立不跪殊屬荒謬著卽行革職發往直隸差委之提督陶福壽奏對失儀著交部議處○諭御史宋伯魯奏八旗教習補缺題請酌量變通一摺著吏部議奏○諭御史宋伯魯奏土司沿途需索請飭查禁等語土司過境供應向有定章該土司不應任意需索地方官於例所應備亦不容稍有缺乏嗣後土司所經過地方各州縣務當照例供給妥為護送該土司頭目如有縱容隨從人等滋擾情事卽著該州縣稟明督撫辦理○廖壽豐奏遞變者勢濟變者才特無以作新之所積而成竭耳溯自光緒二年以後疊經選派津閩學生出洋肄業近復屢奏 諭飭各省設學增才請求經濟無如出洋學生數年遠適志趣易惑未精彼學先滿彼習其弊不止所費不貲而已新立學堂教法無定師書無完本規模初具收效尙在十年以後莫若

就寓洋華民中令各使臣拔其穎異者錄爲各原籍商籍生員足裨救時之用相應請 旨飭下出使各國大臣督同領事各就寓洋華人曉以忠義一體建立學堂並肄中西文字凡兵農工商格致有用之學務令各專一藝而以修身明理爲本卽照新設經濟常科例責領事保結達之使臣各就所學敷實考核錄尤取進咨明禮部原籍作爲經濟科商籍生員俟屆大比之年倘該生等有志觀光由使臣給咨回華准應原籍或順天鄉試具有才學優長品望著者並准切實保薦就近拔充領事參贊隨員等官使之考察商務研求工藝以及一切內政外交宜隨時稟商該使臣暨總理衙門王大臣體察辦理較之學生出洋學堂新設有七利焉以彼生長外洋語言文字及各種西學童而習之復厭之以經史以正其趣納之以學校以淑其性體用既備事半功倍其利一也其人皆身家殷實輕利重名好爾爾靡易持雅操其利二也練兵植稅借重楚材太阿倒持終非勝算此項擬自華民族類無異程效既捷亦免尾大之弊其利三也參贊領事等職須熟悉情形就中擔任一二人必互相勸勉樂爲我用交涉尤鮮隔閡其利四也工商藝術日新中國得信較遲每落人後許以隨時稟商聲氣聯絡振興自易其利五也出洋肄業內地建堂官辦則力難爲繼民辦則風氣未齊今不過使臣領事一舉手間可得茂才異等其利六也卽如陳金錦丁升晉賑勸捐銀十餘萬甲申海防報効銀一萬將來遇有惠借勸捐等事必能聞風而起衆舉

易舉其利七也奏入下所司議奏○廖壽豐奏 臣於上年二月間遵 旨議覆臣工條奏時務摺內陳明設學堂一條謹當隨時勸導舉行嗣經中外諸臣請將書院變通推廣先後奉 旨通行各省遵辦竊維居今日而圖治以培養人材爲第一義居今日而育材以講求實學爲第一義而講求實學必先正其志趣以精其術業大學格致誠正修齊治平之道合古今中外而不易者也歐美諸邦學堂各千百計自始齡入小學以次而中學而大學猶是家塾黨庠州序國學之制也若船學若礦務若種植若製造猶是講武訓農通商惠工之政也苟事事物務求其實朝考夕稽弗得弗措何學之不成亦何事之不舉乃積習相仍時變日亟病詞章帖括之不足恃而羣慕西學竊恐規摹形似剽竊餘借一二西語西文以行其罔利梯榮之故智不獨西學無成而我中國聖人之教且變而愈忘其本此 臣之所大懼也查浙江杭州省城舊有敷文崇文紫陽學海詒經東城書院六所今方以制藝取士勢難驟爲更張另設別無此經費惟有酌籌改併因勢倡導擇庠序有志之士獎進而培植之庶趨向端而成就易泰西各學門徑基多每以兵農工商化驗製造諸務爲切於時用而算學則其階梯語言文字乃從入之門循序以進漸有心得非博通格致不得謂之學成屏一切模糊影響之談而課其實事庶他日分布傳習愈精而成材亦愈衆臣竊與司道籌議並飭杭州府知府會商紳董就普慈寺後現有廢屋量加修治專設一院名曰求

是書院卽委該府知府林啟爲總辦延一西人爲正教習教授各種西學華教習二人副之一授西文一  
授算學委監院一人管理院中一切事宜一面購置儀器圖書由地方紳士保送年二十以內之舉貢生  
監飭據該總辦考取覆試接見詢問擇其行誼篤實文理優長並平日究心時務而無嗜好習氣者於本  
年四月二十日送院肄業但予獎賞不給膏火學以五年爲限並明定規約妥立課程每日肄業之暇令  
泛覽經史 國朝掌故及中外報紙務期明體達用以孔孟程朱爲宗旨將有得之處撰爲日記按旬彙  
送查考每月教習以朔日課西學總辦以望日課西學年終由 道校各藝分別等第勸者獎惜者罰不  
率教者斥優異者存記另選緝譯之人譯述各種有用之書爲振興學校之助所有常年經費並教習緝  
譯監院及司事人等薪修工資並獎賞火食等每年需銀五千餘兩此外尚有隨時購置儀器圖書暨學  
生紙筆一切雜用不在此數除將東城書院每年膏火銀一千餘兩全數撥用外於各書院獎賞存典生  
惠項下歲提恩洋三千元有奇及各局裁省減併共洋四千元有奇合計尙不及萬均未動支正項當此  
開辦之始規模不敢過侈俟經費稍充再圖展拓省外各府屬經臣分札飭辦如寧波紹興金華湖州台  
州嚴州海寧等屬或就書院加課或設學堂專課各視經費多寡議章開辦亦均未請動支項臣當隨時  
督察冀收實效將來該書院學生學業成就如有才能超異者由臣咨送總理衙門考試以備器使各府

屬學生有可用之才由該府稟請調省考驗一體咨送以廣出身而資鼓勵得 旨該衙門知道○甲辰  
上諭 奉先殿 壽皇殿行禮○乙巳以平定陝甘新疆回匪雲南回匪貴州苗匪方略三編校勘完  
竣予出力各員戶部郎中和爾廣額等獎敘有差○丙午諭依克唐阿鍾麟奏請選擇合龍吉期一摺盛  
京 福陵隆恩殿工程將次完竣著欽天監選擇合龍吉期先行知照即著該將軍等遵照辦理○丁未  
廖壽豐奏 臣欽奉 寄諭武備學堂能否於各省一律添設並著妥籌等因欽此 臣於上月奏裁防營摺  
內已將大概情形附陳在案 惟近年陸師武備以德國爲重其步伐鎗礮工程營壘以及行軍測繪諸  
節自非添設學堂專心肄業未易得其要領然連勝洋員分門督課規模闊大經費浩繁一時無此財力  
 臣愚以爲目前之防勇雖未足恃究亦稍經閱歷但使嚴加汰選參以西法認真訓練則費省而事易未  
始非逐漸整頓之法當經 臣於上年十一月電商北洋大臣咨送新建陸軍營內之優生二名來浙考驗  
課藝鎗礮均尙諳熟因卽派充教習優給薪水就近在省城求是書院西偏添設武備學堂一所於各鎮  
哨長營書勇丁內挑選年二十五歲以下粗識文字身體結實者由 臣面試先定額四十名到堂肄業每  
日內堂功課外塲操演計畧分班次第指授委佐雜一人常川住宿照料並委防軍局司道兼該堂總辦  
以資督率稽查各學生原營底餉卽交委員核實領給其教習委員薪水及津貼學生飯食紙筆操衣由

靴並獎賞等項每年約需銀三千兩立學之始購書籍儀器一切雜用之費數亦不少擬暫由外設法籌給不動正款業據該司道督同教習擬定規條課程具詳於本年三月開辦又提臣陳濟清向在天津統領洋鎗隊熟悉操法臣與往返函商將營制量為損益按洋操規範汰除疲弱簡練精壯每營改爲砲隊一隊鎗隊八隊每隊四十人分之可自爲隊合之旋相爲輔甯鎮有四營二旗各營先練成洋操一隊再練第二隊遞次演技管帶衛安營把總周炳榮爲總教習另選分教習十二人限定暑刻逐日勤操隨時要易曉之西書爲之講解所有教習等薪水由該郡書院經費餘款內提撥俟抽操既徧酌加餉需等項擬在將來續裁勇餉項下抵支並擬寧波辦成後將衛處等防營接續抽練漸次推廣此改練洋操以輔學堂之未逮也惟是兩處草創皆係試辦如有成效應如何籌撥款項規畫久遠並如何將各教習暨學生等酌量錄用分別去留容俟屆時再行體察情形奏明辦理報聞○戊申以 慈禧端佑康頤昭豫莊誠壽恭欽獻崇熙皇太后駕幸頤和園 上詣瀛秀園門恭送○庚戌 上幸頤和園詣 慈禧端佑康頤昭豫莊誠壽恭欽獻崇熙皇太后前詣安駐蹕○辛亥 上還宮○壬子 上詣 壽皇殿行禮○以隆慈爲崇文門正監督桂祥爲副監督○丙辰 上幸頤和園詣 慈禧端佑康頤昭豫莊誠壽恭欽獻崇熙皇太后前詣安駐蹕

八月己未 上還宮○諭春秋之義日食必書况值歲首履端歷代引爲天戒我朝康熙乾隆年間正旦日食曾經再見茲據欽天監題奏二十四年正月初一日食朕寅畏之餘允宜參稽 成憲明年元旦於乾清宮受禮不御太和殿受賀停止宗親筵宴將屆日食時卽換常服仍於內殿恭設香案虔甲祈禱用體吳爲非幣之至意至 慈寧宮慶賀係尊養隆儀普天錫福自應循例舉行著該衙門敬謹預備○壬戌 上幸頤和園詣 慈福端佑康頤昭豫莊誠壽恭欽獻崇熙皇太后前請安駐蹕○甲子 上還宮○以翁同龢兼署吏部尚書○以廖壽恆署兵部尚書○以崇禮署左都御史○以崇光兼署戶部右侍郎○以溥晉兼署兵部右侍郎○以啟秀署鑲黃旗漢軍都統○乙丑賞裕祥副都統銜作爲科布多幫辦大臣○以曾廣漢署刑部左侍郎○以陳學箕兼署禮部右侍郎徐會澂署吏部右侍郎○以恆塔布署正藍旗蒙古都統魁斌署鑲白旗漢軍都統○丙寅戶部奏請 飭各省查照江西減徵丁漕錢價並提解平餘添還洋款得 旨如所議行○丁卯 上詣 奉先殿 壽皇殿行禮○祭 先師孔子廟遣熙敬行禮○奉安 婉貞妃 璵妃金棺於 順水峪園寢○諭譚鍾麟奏拿獲會匪首要出力兵弁懇恩獎勵一摺本年三月間廣東石城等處會匪嘯聚滋事經該督等派總兵武萬才等帶勇馳往拿辦先後獲匪一百七十餘名審明正法匪首劉芝草竄往廣西博白縣境復經武萬才派弁帶勇追拿該匪首



被擊回竄荔浦縣境內經總兵劉邦盛派出之守備梁誠忠等於五月十七日將劉芝草卽劉吉六擒獲  
立正典刑現在地方一律安謐辦理尙屬迅速所有在事出力員弁不無微勞足錄自應量予獎勵瓊州  
鎮總兵武萬才北海鎮總兵劉邦盛均著以記名提督簡放廣西梧州協副將江忠著以總兵儘先補用  
遊擊用部連鎮右營都司莫善積儘先遊擊金占魁均著免補遊擊以參將補用都司用勝海鎮左營守  
備梁誠忠著免補都司以遊擊補用萬沈口營守備儘先千總王聚元著免補守備以都司補用廩生李  
定植著以教諭儘先選用廣東候補知縣周經槐著免補本班以直隸州知州仍留原省補用該督等務  
當飭令留駐石城乃營會同各文武緝捕餘匪鎮撫地方毋稍疏懈○戊辰祭社稷壇上親詣行  
禮○己巳上幸頤和園詣慈福端佑康頤昭豫莊誠壽恭欽獻崇熙皇太后前請安駐蹕○諭御史  
王廷相奏參甘肅副考官謝佩賢沿驛肆虐等情當經諭令胡聘之查奏茲據查明奏稱謝佩賢前出甘  
肅試差回京時經過山西並無鞭責鎖帶辦差家人及因案勒賠調停賈賄情事惟失察家人致招物議  
又以失竊細故紆道至省亦有不合翰林院編修謝佩賢著交部照例議處○庚午賞按察使銜前山東  
補用道張雲望二品頂戴准重赴鹿鳴筵宴○壬申以戶部尙書翁同龢協辦大學士○以夙著戰功予  
前雲南布政使岑毓英開復原官○癸酉諭軍機大臣等松椿奏湖河秋汛續漲照章嚴堵一摺前據劉

坤一電奏本年水勢盛漲早逾啟壩定制八月初四五等日先後啟放車運兩關兩壩業經諭令嚴守東西兩堤毋致潰溢茲據該漕督奏稱兩壩啟放以後東南風緊宜洩不暢倘再接長不消新壩亦應照章啟放現在節逾白露水勢尚可漸消仍應加意防維以期有備無患著即飭令淮揚海道謝元福等親督在工員弁晝夜梭巡遇有壅塌之工程緊分投搶辦或應遞啟各壩藉減盛漲之處並著體察情形相機妥辦將此諭令知之○甲戌准吏部右侍郎吳廷芬開缺○予故記名提督張祖豐照提督軍營立功後病故例從優議卹○內子諭軍機大臣等恭壽奏土司改土歸流督臣事前並未商辦徑行列銜具奏據寶奏聞一摺四川邊務事宜向由總督會同將軍互商妥籌合詞具奏德爾格忒土司獻地改土歸流一案鹿傳霖並未知照恭壽竟將該將軍銜名列入與歷來辦法不符並據該將軍奏稱該督不察虛實即飭委員張繼率師往取其地張繼急於邀功遂將該土司全家誘解省監禁疊次提審所供情節與張繼所稟懸殊現聞張繼在德爾格忒被圍過民之未必心服亦可想見等語此案實在情形究竟若何朝廷無由懸度若如該將軍所奏辦理實未妥當國家深仁厚澤二百餘年各土司食毛踐土與內地軍民無異從前用兵查辦之案甚少此次鹿傳霖在川臨對既已用兵三嚴披桑又復紛紛滋事雖時勢所值不同該督等亦應酌度情形倍加詳慎乃鹿傳霖查獲恭壽有如果辦理不醫該督當獨任其咎之語

事關邊務豈可掉以輕心獨斷獨行設有貽誤該督能當此重咎耶恭籌所請嗣後邊務事件無庸會列銜名徑由督臣具奏以一事權亦屬非是總之恭壽施傳霖共事一方同受朝廷重寄均應屏除成見和衷商辦俾邊圉乂安番情悅服方為不負委任正不獨德樹格忒一事為然也將此由四百里各諭令知之○諭前據御史張仲忻給事中蔣式芬先後奏參刑部尚書薛允升縱庇胞姪消弭巨案並貪贓枉法各情當經諭令徐桐嚴查確查茲據查明覆奏薛允升於點派差使辦理案件均無徇情貪贓枉法情事收受節節亦無實據惟於玉田縣賈參差從一案牽涉其胞姪薛麟在內不知迴避著交部議處刑部郎中堂駿承審此案並不詳慎斟酌獨復飾詞強辯亦難辭咎著照例議處刑部堂官及派審此案各員於奏交之案並行咨交詳省著一併查取職名交部分別議處內閣侍讀薛凌雖無商賄遞獄詞情事惟於伊叔薛允升被參之摺竟不發鈔究屬不合著交部議處另片奏玉田縣賈參差從一案先將訊明各犯分別擬結等語州同銜指分四川補用府經歷薛濟著即行革職仍令在押候質洪奎鼎著暫行監候待質已革御史溥松著交宗人府管束統俟拿獲蘇月波等訊明辦理譚志松蘇月波仍著直隸總督順天府步軍統領衙門五城御史一體嚴拿務獲究辦○戊寅調徐樹鉉為吏部右侍郎轉楊頤為兵部左侍郎以壽昌為兵部右侍郎○己卯諭毓崑等奏旗員體混舞弊希圖浮領銀兩據實糾參一摺本年八月

婉貴妃 熈妃金棺奉安國寢總管恆通於請領款項搜填虛數朦混具稿實屬有心浮習著交部嚴加  
嚴懲翼長文山恩齡印務章京吉瑞景哲隨同齊福莊押著一併交部分別議處○庚辰 上詣 壽皇  
殿行禮○諭軍機大臣等理藩院奏昭烏達盟長呈報賊匪肆擾該盟所屬各旗馬賊聚至二百餘人各  
持礮械縱橫肆擾擄掠傷人該盟長親督剿禦請兵援救等語著王文韶卽行知照直隸提督靖士成派  
撥精兵兩三營飛速前往迅將此股賊匪合力兜拿毋令蔓延爲患該盟兵力不足並著壽隆體察情形  
飭派熱河練軍會同協剿將此各諭令知之○辛巳諭禮部奏遵諭御史潘慶瀾奏請將已故總兵之母  
旌獎一摺已故總兵鄧世昌恪遵母訓移孝作忠力戰捐軀死事最烈伊母郭氏訓子有方深明大義著  
賞給匾額一方交譚鍾麟等轉給收領以示旌獎○壬午 上幸頤和園詣 慈寧端佑康頤昭豫莊誠  
壽恭欽獻崇熙皇太后前請安駐蹕○甲申 上還宮○夕 月於西郊遣隆懃行禮○乙酉諭軍機大  
臣等文海奏調明德爾格忒土司改土歸流大有後患各摺片本年五月間據鹿傳霖奏稱德爾格忒小  
土司昂翁降白仁青母子恣行不義業經委員張綱鈞獲押解鎮總收禁該老土司及頭目人等獻地歸  
誠現擬改設流官當經諭令妥籌辦理此次文海行抵打箭爐詢問情形始知張繼以帶勇前往察木多  
查辦爲名突入德爾格忒境內誘令該土司及其長子先赴鎮城旋將土婦及其少子一併挈獲稟稱勒

令獻地投誠鹿傳霖飭令將該土司父子夫婦解省審辦道路傳聞莫不駭異以致各土司皆有不安之象等語此事鹿傳霖經聽委員一面之詞輒轉德爾格忒小土司恣行不義老土司情願獻地歸誠即使所奏屬實亦祇應將小土司昂翁降白仁青解至打箭爐城派委員查訊明確即可辦結何以又將該老土司一併解省到省之後供情若何亦未據鹿傳霖續行奏報情節種種支離自相矛盾以二百餘年恭順之土司輒因其家庭細故勒令改土歸流並非出於情願又將其父子解省監禁各土司豈肯心悅誠服辦理若此轉涉滋生事端鹿傳霖奉到此旨著即速將該土司父子夫婦釋放并宣布朝廷德意諭令該老土司速回德爾格忒經理該土司事務仍令其長子習辦一二年後果能稱職即奏請承襲或可收效桑榆慎勿諉過護前仍蹈故轍其改土歸流一節著毋庸議此外如三藏之搶案桑披之命案均應辦理得宜迅速了結毋使朝廷久顧西顧之憂將此山四百里諭令知之○丙戌諭軍機大臣等前據理藩院奏昭烏達盟長呈稱蒙古地方賊匪肆擾當諭令王文韶知照該土成派撥精兵兩三營前往兜剿並發給餉銀派熱河練兵會同協剿茲據該盟長復在該衙門呈報統帶練兵剿捕該匪等竟敢聚眾抗拒並有戕害弁兵情事實非尋常可比等語蒙古地方邊關若不將此股賊匪迅速撲滅勢必蔓延為患復臨朝陽故轍重煩兵力朝廷軫念藩部區系實深著即派員士成酌帶精兵數營迨日起程親往督剿乘

此賊勢未盛剿除尙易爲力該提督務當督飭隊伍視賊所向一鼓殲除迅速肅事剿辦情形准請士成  
專摺奏報並著該督飭練兵認真防範原摺著鈔給閱看將此各諭令知之○是月瑞典挪威國新簡  
駐華使臣柏爾抵任